

周易逢原

陸

下經上

周易卷三

虎文鴻光炳

卷三目錄

咸

六二九三九五上六時文錯簡

恒

九二九三九四六五恒文錯簡

遯

六二九三兩九錯簡文正

大壯

六五上六無錯簡文正

周易逢原下經

虎文馮光炳
更正
改註

卷三目錄



咸

六二九三九五上六肆爻錯簡
更正

恒

九二九三九四六五伍爻錯簡
更正

遯

六二九三兩爻錯簡更正

大壯

六五上六兩爻錯簡更正

晉

初六。六三。兩爻錯簡更正。

明夷

六五。上六。兩爻錯簡更正。

家人

初九。六二。九五。上九。肆爻錯簡更正。

睽

初九。九二。六三。九四。六五。上九。陸爻全錯簡全更正。

蹇

六二。九三。兩爻錯簡更正。

解

初六。九四。兩爻錯簡更正。

損 九二。六四。六五。參爻錯簡更正。

益 初九。六二。六三。六四。九五。上九。
陸爻全錯簡全更正。

夬 初九。九四。上六。參爻錯簡更正。

姤 初六。九二。九三。九四。九五。伍爻
錯簡更正。

萃 初六。六二。六三。九四。九五。上六。
陸爻全錯簡全更正。

升 初六。九二。九三。六四。六五。上六。
陸爻全錯簡全更正。

困


初六九二六三九四九五上六
陸爻全錯簡全更正

以上拾柒卦每卦陸爻核計玖拾貳
爻其中錯簡共有陸拾陸爻本孔子
之十傳考究更正以還周公之舊以
極歷儒之失

周易逢原下經

卷之三

虎文馮光炳著



艮下
兌上

咸亨利貞取女吉

有天地然後有萬物有

女然後有夫婦君子之道造端乎夫婦及其至也察乎天地聖人之經本諸天地及其教也重於夫婦故上經首重乾天坤地其教也重於夫婦故上經首重艮夫兌婦也天地之道遠故上經乾坤二卦分而序之夫婦之道邇故下經艮兌二卦合而重之也為卦內卦艮少

男。丈夫生也。外卦兌。少女。女子生也。丈夫
生而願為之有室。女子生而願為之有家。
父母之心。人皆有之。故曰咸。人道大婚為
大。大婚之禮為大。冕而親迎。男下女。其嘉
會足以合禮也。故曰亨。合二姓之好。繼先
聖之後。其利物足以合義也。故曰利。待父
母之命。有媒妁之言。其貞固足以幹事也。
故曰貞。此三者缺一不可。故曰咸亨利貞。
外卦兌。澤。少女。澤乃不流之水。非取而不
可得。故曰取。取則為妻。故曰取女吉。有夫
婦。然後有父子。有父子。然後有君臣。有君
臣。然後有上下。有上下。然後禮義有所錯。

故曰咸亨利貞取女吉詩云天
立厥配受命既固此之謂也
象曰山上

有澤咸君子以虛受人
山上有澤山澤通


澤咸同聲相應同氣相求故曰君子以虛

受人山空固有澤通潤心虛方受友多聞

故曰山上有澤咸君子以虛受人詩云吹

笙鼓簧永筐是將人之好我示我周行

以艮變離
自咸之革



初六咸其拇列其覩貞厲
艮為手故曰拇
變離為目故曰

觀艮七變離三合計成十乃十手所指十
目所視也故曰咸其拇列其觀夫咸乃男
女居室之卦也男女居室人之大倫也必
戒慎乎其所不觀恐懼乎其所不聞若將
人倫為淫樂大道為邪娛而無忌憚一室
之中有五祀之神十目所視也一人之身
有三魂七魄十手所指也若不合人禮褻
瀆鬼神恐生子不備必有凶災曾子曰十
目所視十手所指其嚴乎故曰咸其拇列
其觀貞厲詩云相在爾室尚不愧于屋漏
無曰不顯莫予象曰咸其拇志在外也
云觀此之謂也

內戶

有居守五祀。窓外尚有過往神靈。故曰。志在外也。人間私語。天聞若雷。暗室虧心。神目如電。故曰。咸其拇。志在外也。詩云。雖雖在宮。肅肅在廟。不顯亦臨。無射亦保。



以艮變巽。咸之大過。

六二咸其股。凶。執其隨。往吝。

變巽為股。故曰。股。股間乃

人之下物。故曰。隨。禽獸皆咸其股。交從後上。禽獸皆不能言。唯鸚鵡猩猩不能咸其股。生。子必啞。故曰。咸其股。凶。並且勢逆隔遠。

入不到子宮。故曰。執其隨。往吝。夫婦之愚。可以與知焉。及其至也。雖聖人亦有所不知焉。夫婦之不肖。可以能行焉。及其至也。雖聖人亦有所不能焉。理之所無。竟有人之所有。故曰。咸其股。凶。執其隨。往吝。象曰。詩云中。菁之言。不可道也。此之謂與。象曰。咸其股。亦不處也。志在隨人所執下也。愚者悖理。故曰。咸其股。亦不處也。小人下達。故曰。志在隨人所執下也。村夫胡為蠢婦。不拒。故曰。咸其股。亦不處也。志在隨人所執下也。詩云。所可道也。言之醜也。此之謂與。



以艮變坤。自咸之萃。

九三咸其腹居吉。

變坤為腹。故曰。腹。坤為安貞。故曰。居。天覆地載。

陰仰陽俯。天地之道。夫婦之道。故曰。咸其

腹。乃男女居室之吉也。故曰。居吉。天地絪

縕。萬物化醇。男女構精。萬物化生。故曰。咸

其腹。居吉。詩云。載震載夙。載生載育。此之

謂也。象曰。咸腹居吉。順不害也。變坤道其順

也。象曰。咸腹居吉。順不害也。乎。故曰。順不

害也。合乎人道。故曰。咸腹居吉。順不害也。

詩云。之子于歸。宜其家室。此之謂也。



以兌變坎
自咸之蹇

九四貞吉悔亡憧憧往來朋從爾思

良人必擇

淑女。淑女必選良人。故曰。貞吉。君子以作
謀始。則永終知敝。故曰。貞吉悔亡。變坎為
心病。故曰。憧憧。坎為水。水主動。故曰。往來。
兌澤。變坎水。水與澤合。故曰。朋從。男女一
般情欲。他我一樣心腸。故曰。朋從爾思。子
曰。天下何思何慮。天下同歸而殊塗。一致
而百慮。天下何思何慮。故曰。貞吉悔亡。憧
憧往來。朋從爾思。詩云。乃如之人也。懷婚


姻也。此之謂與。

象曰：貞吉悔亡，未感害也。憧憧往

來，未光大也。

以兌正西，變坎正北，思無邪。故曰：貞吉悔亡，未感害也。一

味愚思，非思而可得。故曰：憧憧往來，未光大也。知好色，則慕少艾。故曰：貞吉悔亡，未感害也。憧憧往來，未光大也。詩云：求之不



以兌變震，咸之小過。


九五：咸其輔頰，舌無咎。

兌為口，故曰：輔頰舌。兌變震，悅以動。

所歸妹也。乃媒妁之象焉。故曰咸其輔頰。舌待父母之命。有媒妁之言。故曰咸其輔頰。舌無咎。詩云伐柯如何。匪斧不克。取妻如何。匪媒不得。此之謂也。象曰咸

其輔頰舌。滕口說。讀如也。兌口變震專。故曰滕口說也。善

於辭命而至。故曰咸其輔頰舌。滕口說也。詩云巧言如流。俾躬處休。此之謂也。



以兌變乾。自咸之遯。

上六咸其脢。無悔。脢。肉也。變乾為首。故曰脢。總角婚禮。結髮。夫

妻故曰咸其脢。一結為定。終身不改。故曰咸其脢。無悔。詩云。總角之宴。言笑宴宴。信誓旦旦。此之謂也。象曰咸其脢。志末也。人身以足頂為末。故曰志末也。取名髻髻。夫妻願其白頭共老。故曰咸其脢。志末也。詩云。死生契濶。與子成說。執子之手。與子偕老。此之謂也。



巽下
震上

恒亨無咎利貞利有攸往。咸者夫婦也。夫婦之道不可以

不久。故受之以恒。恒者久也。為卦上卦震
長男。下卦巽長女。恒乃成之反。艮少男反
成震。長男。兑少女反成巽。長女。乃多年夫
婦也。故曰恒。人熟禮不熟。必嘉會足以合
禮也。故曰亨。久而敬之。故曰亨。無咎。上和
下睦。夫倡婦隨。其利物足以合義也。其貞
固足以幹事也。故曰利貞。由是則身而子
子而孫。自子孫。自曾玄。故曰利有攸往。別
夫婦。教子孫。故曰恒。亨。無咎。利貞。利有攸
往。詩云。子孫繩繩。萬民靡不承。此之謂也。

象曰雷風恒君子以立不易方

雷也者天
下之同聽

也。風也者。天下之共遇也。故曰。雷風恒。中也者。天下之大本也。和也者。天下之達道也。故曰。君子以立不易方。致中和。天地位焉。萬物育焉。故曰。雷風恒。君子以立不易方。詩云。愷悌君子。四方為綱。此之謂也。



以巽變乾。恒之大壯。

初六浚恒貞凶無攸利。

巽為地。不滿東南。故曰。浚。變乾為天。


傾西北界。乃天淵相隔。故曰。浚恒。臨深望高。舍近求遠。故曰。貞凶。妄想徒勞。故曰。無。

攸利。忘本逐末。獵等求連。故曰。浚恒。貞凶。無攸利。詩云。如彼行邁。則靡所臻。此之謂也。

象曰。浚恒之凶。始求深也。

日。浚恒之凶。日。浚恒之凶。日。浚恒之凶。

行遠不由邇。登高不自卑。故曰。浚恒之凶。始求深也。詩云。彼人之心。于何其臻。



以巽變艮。恒之小過。

九二。不恒其德。或承之羞。貞吝。

變艮者止也。半塗而

廢中道而止。故曰。不恒其德。變艮為手。故曰。或承。人若改常。敗德。必招人指摘面辱。

故曰。或承之羞。南人有言曰。人而無恒。不
可以作巫醫。善夫。故曰。貞吝。恒者。德之固
也。恒以一德。德惟一。動罔不吉。德二三。動
罔不凶。故曰。不恒其德。或承之羞。貞吝。詩
云。之子無良。二三其德。此之謂也。

象曰。不恒其德。無所容

也。亡而為有。虛而為盈。約而為泰。故曰。不
恒其德。欺詐之心。肆容物之情。寡有不
朝三暮四者乎。故曰。不恒其德。無所容也。
詩云。靡不有初。鮮克有終。此之謂也。



以巽變坎。
自恒之解。

九三恒其德悔亡

變為坎月如月之恒故

古如茲於今為烈故曰悔亡日月得天而

能久照故曰恒其德悔亡詩云日居月諸

下土是冒

此之謂也

象曰九三悔亡能久中也

有月望

總在一月之中故曰能久中也九三變坎

為月月不忒故曰九三悔亡能久中也

詩云淑人君子其儀不忒此之

謂也



以震變坤
自恒之升

九四恒其德貞婦人吉夫子凶

變坤至靜而德方後

得主而有常故曰恒其德貞坤道成女故曰婦人坤者順也無違夫子以順為正者妾婦之道也故曰婦人吉若夫子幼而學壯而行以道事君不可則止道合則服從不可則去豈可與婦人之嫁夫一味無違不能責難陳善乃隨臣也故曰夫子凶執中無權猶執一也所惡執一者為其賊道也舉一而廢百也故曰恒其德貞婦人吉夫子凶詩云匪教匪誨象曰婦人貞吉從時維婦奇此之謂也

一而終也。夫子制義從婦凶也。婦人不可

婦人貞吉。從一而終也。夫子當明去就。故

曰。夫子制義從婦凶也。君子之於天下也。

無適也。無莫也。義之與比。其在夫子。雖比


而可離。不同婦人一比而不可離為哉。故

曰。婦人貞吉。從一而終也。夫子制義從婦

凶也。詩云。豈其食魚。必河之魴。豈其娶妻。

必齊之姜。此之謂也。

謂也。



以震變兌。恒之大過。

六五田無禽吝

變兌其於地也為剛鹵故曰田無禽在無禽之地而

獵禽故曰吝有一等癡人誤信佛說在不

生不滅上苦用工夫故曰田無禽吝詩云

哀哉為猶匪先民是程象曰久非其位安

匪大猷是經此之謂也象曰久非其位安

得禽也


不念孔子明明德願解如來真實義被邪說固蔽故曰久非其位總

將那南無阿彌哆婆耶毘迦蘭帝阿比唎

哆毘迦蘭念到至死也是糊塗到來生

故曰久非其位安得禽也詩云召彼故老

訊之占夢具曰予聖誰知烏之雌雄



以震變離
自恒之鼎

上六振恒凶

夫恒如月之恒也。今變離為日。是月行日道矣。月行日道。

乃日月交食焉。日月交食。乃日月變常矣。

故曰振恒。日月交食。乃日月告訕矣。故曰

振恒凶。詩云。日月告訕。不用其行。

四國無政。不用其良。此之謂也。象曰振

恒在上大無功也

日月在天。變敝人主也。故曰振恒在上。人主失道。

因大臣曠職。故曰振恒在上。大無功也。詩

云。赫赫師尹。不平謂何。天方薦瘥。喪亂弘

多此之謂也。



乾上 艮下

遯亨 小利貞

恒者久也。物不可以久居其

卦。乾為老父。加於艮者止也。之上。老夫欲

止。乃大夫七十而致仕也。故曰遯。大夫七

十而致仕。其嘉會足以合禮也。故曰亨。內

卦。艮為少男。故曰小。老而休焉。幼而學焉。

故曰小利貞。歸與歸與。吾黨之小子狂簡。

斐然成章。不知所以裁之。故曰遯亨。小利


貞。詩云。所謂伊人。於焉逍遙。此之謂也。

象曰。天下有山。遯君。

子以遠。小人不惡而嚴。

天下有山。人隨上。天隨遠。不上不遠。

隨上隨遠。故曰。天下有山。遯。小人欲侵君。子不侵不離。隨侵隨離。似乎可即。終不能就也。故曰。君子以遠小人。不惡而嚴。天不言自高。君子不言自邁。故曰。天下有山。遯。君子以遠小人。不惡而嚴。詩云。悠悠蒼天。曷其有極。此之謂也。



以艮變離。遯之同人。

初六尾遯厲勿用有攸往。稱牛曰尾。變離

最慢。故曰尾遯。耕田克勝。攢路惟危。故曰

尾遯。厲既不能致遠。則勿求遠。故曰勿用

有攸往。自揣不及。宜安本分。故曰尾遯。厲

勿用。有攸往。詩云。豈敢憚行。畏不能趨。此

之謂也。象曰。遯尾之厲。不往何災也。遲鈍人


也。謂象曰。遯尾之厲。不往何災也。做不得

緊急事故。曰遯尾之厲。擔遲不擔錯。故曰

遯尾之厲。不往何災也。詩云。國步蔑資。天

不我將。靡所止疑。云徂何往。此之

謂也。



以艮變巽
自遯之始

六二係遯有疾厲畜臣妾吉

變巽為雞乃
戀家之禽也

故曰係雞雖有翼而竟不飛

故曰係遯雞

最好鬪故曰有疾厲雞最貪淫

故曰畜臣

妾雄用司晨雌用下卵乃報主之畜也

故

曰吉寡人有疾寡人好勇寡人有疾

寡人

好色故曰係遯有疾厲畜臣妾吉


詩

云民亦勞止汔可小康此之謂也

象曰

係遯之厲有疾憊也畜臣妾吉不可大事

也。懷與安實敗名。故曰係遯之厲。有疾憊也。士而懷居。不足以為士矣。故曰畜臣妾吉。不可大事也。問舍求田。貪妻戀妾。此無四方之志者也。故曰係遯之厲。有疾憊也。畜臣妾吉。不可大事也。詩云東門之池。可以沤蕪。彼美淑姬。可與晤歌。此之謂也。



以艮變坤
自遯之否

九三執之用黃牛之革莫之勝脫

艮為手故曰執

變坤為土色故曰黃坤為牛故曰牛陽變陰如皮去毛故曰革坤居申位故為吝嗇

乃申猴也。故曰：執之用黃牛之革。心猿不可使遯，故曰：莫之勝脫。學問之道無他，求其放心而已矣。故曰：執之用黃牛之革，莫之勝脫。詩云：嗚呼小子，未知臧否。匪手攜之，言示之事。匪面命之，言提其耳。此之謂也。

志也。 志也。幼而學焉，不專心致志，則不可得。故曰：執用黃牛。固志也。詩云：民之靡盬，誰風謂也。暮成此之。

象曰：執用黃牛，固。



以乾變巽。自遯之漸。

九四好遯君子吉小人否。


乾為天。崇效天。貴也。變巽為近。

利市三倍。富也。富與貴。是人之所欲也。故曰好。不以其道得之。不處也。故曰好。遯先。是乾為金。金主義。君子喻於義。故曰君子吉。後變巽為近利市三倍。小人喻於利。故曰小人否。君子見利思義。有好知遯。小人見利忘義。有遯偏好。故曰好。遯君子吉。小人否。詩云。維此良人。作為式穀。象曰。君子。維彼不順。征以中垢。此之謂也。

好遯小人否也

君子不欲為苟去故曰君子好遯君子之所為衆人

固不識故曰小人否也變巽為白乃征鴻也小人不知君子之心如燕雀焉知鴻鵠志故曰君子好遯小人否也詩云維此聖人瞻言百里維彼愚人覆狂以喜



以乾變離自遯之旅

九五嘉遯貞吉

以乾變離其德剛健而文明乃盛名也故曰嘉盛名

之下難久居故曰嘉遯功被天下守之以讓故曰貞吉其德剛健而文明應乎天而

時行。遯之時義大矣哉。故曰嘉遯貞吉。象詩云。所謂伊人。於焉嘉客。此之謂也。


曰嘉遯貞吉。以正志也。臣固以寵利居成。

成功者退。故曰以正志也。伊尹既復政厥。

辟。將告歸。乃陳戒于王。故曰嘉遯貞吉。以。

正志也。詩云。柔遠能邇。以定我王。此之謂。

也。

以乾變兌。自遯之咸。

上九肥遯無不利。以乾變兌。澤上于天。夬。君子以施祿及下。故曰。

肥。若非其義也。非其道也。祿之以天下弗
顧也。繫馬千駟弗視也。故曰肥遯歸潔其
身而已矣。故曰無不利。我無官守。我無言
責。則吾近退。豈不綽綽然有餘裕哉。故曰
肥遯無不利。詩云。考槃在象。曰肥遯無不
潤。碩人之寬。此之謂也。象曰肥遯無不
利。無所疑也。乾變兌澤。上于天。夫夫者決
也。決斷出焉。故曰無所疑也。乾剛變兌澤。
有雲從龍之象。夫龍乃天地浩然之氣也。
其為氣也。至大至剛。以直養而無害。則塞
於天地之間。故曰肥遯無不利。無所疑也。
詩云。既見君子。為龍為光。其

德不爽。壽考不忘。此之謂也。



乾下。震上。

大壯利貞。

遯者退也。物不可以終遯。故受之以大壯。大壯進也。為卦四少

陽方長。每一少陽數七。四少陽四七二十

八數也。再二年則三十曰壯矣。故曰大壯。

三十而立。其利物足以合義也。其貞固足

以幹事也。故曰利貞。夫人幼而學壯而行。

故曰大壯利貞。詩云嘉我未老。鮮我

象曰。方將。旅力方剛。經營四方。此之謂也。

雷在天上大壯君子以非禮弗履

雷在天
上歲二

月陽氣方盛也故曰雷在天上大壯雷乃
發聲有不戒其容止者生子不備必有凶
災故曰君子以非禮弗履君子畏天命故
曰雷在天上大壯君子以非禮弗履詩云
畏天之威于時保之此之
謂也



以乾變巽
大壯之恒

初九壯于趾征凶有孚

變巽為雞雞之壯
在趾故曰壯于趾


雞壯則出關。故曰：征凶。雞壯則司晨。故曰：有孚。天之生物也，必因其材而篤焉。故曰：壯于趾。征凶。有孚。詩云：天生烝民，有物有則。此之謂也。

象曰：壯于趾，其

孚穹也。

穹，指上天。代天報時，故曰：其孚穹。雞壯于趾，不愧其壯，能代天報時。

食粟可也。故曰：壯于趾，其孚穹也。詩云：彼君子兮，不素食兮。此之謂也。



以乾變離，大壯之豐。

九二壯于角貞吉。

變離為畜牝牛。牛壯在角，故曰：壯于角。牛壯則

深耕易耨矣。故曰。貞吉。其貞固足以幹事者。莫大乎牛。故曰。壯于角。貞吉。詩云。大夫不均。我從事獨賢。此之謂也。
 象曰。九二貞吉。以中也。離變位正南。故曰。以中也。不犢不老。乃當午之壯牛。正在有用之際。故曰。九二貞吉。以中也。詩云。龜勉從事。不敢告勞。此之謂也。



以乾變兌。大壯之歸妹。

九三。小人用壯。君子用罔。貞厲。羝羊觸藩。

羸其角。

變來兌為羝羊。故曰。小人用壯。動

向良馬撞頭。良馬去而不踢。如小人向君

子無禮。君子犯而不校。故曰。小人用壯。君

子用罔。君子以遠小人。不惡而嚴。故曰。貞

厲。兌為毀折。故曰。觸藩。好勝者必遇其敵。

故曰。羝羊觸藩。行橫者。總遭橫虧。故曰。羸

其角。噫嘻。此藩籬不比良馬矣。哀哉。小人

故曰。羝羊觸藩。羸其角。如此。則與禽獸奚

擇哉。於禽獸又何難焉。故曰。小人用壯。君

子用罔。貞厲。羝羊觸藩。羸其角。詩


云。嗚呼。小子。未知臧否。此之謂也。象曰。小

大壯

人用壯君子罔也

似此勇而無禮果敢而窒其在君子則無之故

曰君子罔也君子非仁無為也非禮無行也如有一朝之患則君子不患矣故曰小人用壯君子罔也詩云愷悌君子莫不令儀此之謂也



以震變坤大壯之泰

九四貞吉悔亡藩決不羸壯于大輿之輹

變坤為子母牛再大壯卦乃壯志伸犢性去故曰貞吉悔亡震為竹葦既動開故曰

藩決。牛犢則圉而飼之。牛壯則放而用之矣。故曰。藩決不羸。變坤為大輿。故曰。大輿。大車有輓。牛壯則可以駕轅端橫木矣。故曰。壯于大輿之輓。幼而學壯而行。有用之才養成。大車以載。積中不敗也。故曰。貞吉。悔亡。藩決不羸。壯于大輿之輓。詩云。我出我車。于彼牧。象曰。藩決不羸。尚往也。震動矣。此之謂也。順動而以順行。故曰。尚往也。大車以載。有攸往無咎。故曰。藩決不羸。尚往也。詩云。彼其之子。邦之彥兮。此之謂也。

䷡

以震變兌。
大壯之夬。

六五羝羊觸藩不能退不能遂無攸利艱

則吉。

兌為羊。從震為竹。葦變來。故曰羝羊觸藩。乃冒壯之危。果敢而窒。故曰不

能退不能遂。進退兩難。故曰無攸利。不經

一事。不長一智。故曰艱則吉。人恒過然後

能改。困於心。衡於慮。而後作。故曰羝羊觸

藩不能退不能遂。無攸利。艱則吉。詩云。我

心匪石。不可轉

也。此之謂與。

象曰不能退不能遂不詳

也。艱則吉。咎不長也。故曰：不能退，不能遂，不知深淺。

不詳也。受此折磨，往後改悔。故曰：艱則吉。咎不長也。行拂亂其所為，然後動心忍性，增益其所不能。故曰：不能退，不能遂，不詳也。艱則吉。咎不長也。詩云：如切如磋，如琢如磨。瑟兮僩兮，赫兮喧兮。此之謂也。



以震變離。大壯之大，有。

上六壯于頄，有凶。

變離為目。故曰：頄變離為甲冑。甲冑則有不可。

犯之色。故曰壯于頄。在軍抗而立。在行遂而果。故曰壯于頄有凶。詩云。赳赳武夫。公侯干城。此之謂也。

象曰壯于頄位不當也 軍容不故曰位不當也。介者不拜。兵車不式。危坐不齒。故曰壯于頄位不當也。詩云。有嚴有翼。共武之服。此之謂也。



離上
坤下

晉康侯用錫馬蕃庶晝日三接

物不可以終壯。故受

之以晉。晉者進也。為卦離日在坤地之上。乃日出之象。故曰晉。內卦坤為安貞吉。故曰康。坤三少陰。共餘策九十六。舉成數而言。得百里之地。而君之。故曰侯。坤為文。乃修文德之侯也。故曰康侯。坤乃順承天。侯乃順承王。天施地生。王錫侯受。故曰用錫。坤為牝馬。牝則資生。故曰馬蕃。庶侯代天子。牧養百里之人民物畜。必使物阜民豐。故曰用錫馬蕃庶。上卦離為日。故曰晝日。下卦坤為地。為衆。為柄。諸侯之寶三。土地人民政事。日日理之。故曰晝日三接。君子所其無逸。先知稼穡之艱難。乃逸。小民其

依故曰晉康侯用錫馬蕃庶晝日三接詩云星言夙駕稅于桑田匪直也人秉心塞淵騋牝三千此之謂也

彖曰明出地上晉君子以自

昭明德

明出地上漸起漸高故曰明出地

以上晉在明明德在新民故曰君子以自昭明德顧諟天之明命克明峻德故曰明出地上晉君子以自昭明德詩云穆穆魯侯敬明其德敬慎威儀維民之則此之謂也

䷢

以坤變震
晉之噬嗑

初六衆允悔亡

坤為衆故曰衆變震為雷應聲响亮故曰允坤以簡

能簡則易從故曰衆允易從則有功故曰

悔亡坤順變震動順以動豫乃晉康侯臨

下以簡御衆以寬以佚道使民雖勞不怨

故曰衆允悔亡詩云之子于垣百堵皆作


雖則劬勞其究象曰衆允之志上行也先

安宅此之謂也勞之故曰上行也上行而下效故曰衆允

之志上行也詩云愷悌君子民之攸歸

以坤變坎

晉之未濟




六二晉如愁如貞吉受茲介福于其王母

變坎為加憂故曰愁如君子不患無位患所以立故曰晉如愁如不患莫已知求為可知也故曰貞吉變坎位正北可使南面故曰受茲介福坎為再索而得男乃孫也從坤為母變來係祖母也故曰于其王母君子外受傳訓入奉母儀所以達德成才令名攸著故曰晉如愁如貞吉受茲介福于其王母詩云太姒嗣徽音則百斯男此之謂也

象曰受茲介福以中正也

變坎位正北故曰以

中正也。晉康侯之燕喜，因有令妻壽母也。故曰：受茲介福，以中正也。詩云：靖共爾位，好是正直，神之聽之，介爾景福。此之謂也。



以坤變艮，自晉之旅。


六三：晉如摧如，貞吉，罔孚，裕無咎。

變艮以止之，故

曰：摧如。艮為徑路，君子不由。古之人未嘗不欲仕也，又惡不由其道，故曰：晉如摧如，不得志，獨行其道，故曰：貞吉。坤土主信，變艮以止之，吾斯之未能信，故曰：罔孚。坤順

變艮止。順而止之。觀象也。故曰。裕學不干
祿。不志穀。古之學者為已。故曰。裕無咎。人
知之。亦囂囂。人不知。亦囂囂。故曰。罔孚。裕
無咎。不得志。修身現於世。窮則獨善其身。
乃居天下之廣居者也。故曰。晉如摧如。貞
吉。罔孚。裕無咎。詩云。考槃在澗。碩人之寬。
獨寐寤言。永矢弗諼。此之謂也。象曰。晉如摧如。獨行正也。
裕無咎。未受命也。隱居以求其志。行義以
達其道。故曰。晉如摧如。
獨行正也。我無官守。我無言責。則吾進退
豈不綽綽然有餘裕哉。故曰。裕無咎。未受

命也。晉康侯之邦。其野尚有遺賢。故曰。晉如。摧如。獨行正也。裕無咎。未受命也。詩云。衡門之下。可以棲遲。泌之洋洋。可以樂飢。此之謂也。



以離變艮。自晉之剝。

九四晉如鼫鼠貞厲

變艮為鼠。故曰鼫鼠。變艮為徑路。乃小人

所由。鄙夫可與事君也。與哉。故曰。晉如鼫鼠。其未得之也。患得之。既得之。患失之。苟患失之。無所不至矣。故曰。貞厲。小人常戚戚。色厲而內荏。譬諸小人。其猶穿窬之盜。

也與故曰晉如鼫鼠貞厲詩云彼何人斯其心孔艱胡逝我梁不入我門此之謂也

象曰鼫鼠貞厲位不當也

民困於貪殘之政故曰鼫鼠貞

厲不仁而在高位是播其惡於衆故曰位不當也以晉康侯之國其朝尚有倖位故曰鼫鼠貞厲位不當也詩云碩鼠碩鼠無食我黍此之謂也




以離變乾自晉之否

六五悔亡失得勿恤往吉無不利

以離變乾文明

以健。故曰。悔亡。離為火。配禮。變乾為金。主
義。變化者。進退之象也。君子進以禮。退以
義。得之不得。曰有命。故曰。失得勿恤。君子
無患。得患失之悔恤。則君子坦蕩蕩矣。故
曰。往吉。君子居是國也。其君用之。則安富
尊榮。其子弟從之。則孝悌忠信。故曰。無不
利。君子進不干名。退不要譽。苟利於國。惟
民是保。故曰。悔亡。失得勿恤。往吉。無不利。
詩云。不忮不求。何用不臧。此之謂也。**象曰。失得勿恤。往有慶**
也。天下有道。以道殉身。天下無道。以身殉
道。故曰。失得勿恤。君子不以道殉人。故

曰失得勿恤往有慶也詩云愷悌君子干
祿愷悌此之謂也

以離變震
自晉之豫

上九晉其角維用伐邑厲吉無咎貞吝
離

羸變震有聲乃行軍所吹之画角也故曰
角行軍號令一吹而行再吹而聚故曰晉
其角離為戈兵變震者動也故曰伐變震
驚百里故曰邑諸侯伐而不討故曰維用
伐邑離為火天吏逸德烈于猛火故曰厲
威克厥愛允濟故曰厲吉無咎因變是震

為專。有虛張聲勢之象。愛克厥威。允罔功。故曰。貞吝。晉康侯。乃修文德之侯也。有文修。必有武備。故曰。晉其角。維用伐邑。厲吉。無咎。貞吝。詩云。允文允武。昭假烈祖。此之謂也。象曰。維用伐邑。道未光也。尚。有遠人。不



離下
坤上

明夷利艱貞

晉者進也。進必有所傷。故受之以明夷。明夷者傷也。為卦

坤地在上。離日在下。乃日入之象。日入則
黃昏。黃昏則黑暗。故曰。明夷。夜有事幹。最
難。故曰。艱貞。思其艱。而圖其易。故曰。利艱
貞。文王囚而衍易。箕子囚而明疇。皆非易
事。其有不合者。仰而思之。夜以繼日。幸而
得之。坐以待旦。故曰。明夷。利艱貞。詩云。天
之方難。無然憲。憲。此之謂也。


象曰。明入地中。明夷。君子

以莅衆。用晦而明。

明入地中。乃日光揜藏也。故曰。明入地中。明夷。

君子之道。闇然而日彰。故曰。君子以莅衆。用晦而明。太陽入地。讓星斗生光。君子平

章。使百姓昭明。故曰。明入地中。明夷。君子
以莅衆。用晦而明。詩云。攜無曰益。牖民孔
易。此之
謂也。

以離變艮。
明夷之謙。

初九。明夷于飛。垂其翼。君子于行。三日不

食。有攸往。主人有言。
離為雉。故曰。于飛。變

翼。日入矣。鳥宿焉。故曰。明夷于飛。垂其翼。
主暗矣。臣去焉。故曰。君子于行。離數三。故

曰三。離為日。故曰日。邦無道。穀恥也。故曰。不食。君子去國。不出境。不食。故曰。君子于行。三日不食。離為五行。二曰火。配五事。二曰言。故曰。有言。諫則不行。言則不聽。有言責者。不得其言。則去。故曰。有攸往。主人有言。亂邦不居。良臣夜遁。故曰。明夷于飛。垂其翼。君子于行。三日不食。有攸往。主人有言。詩云。此邦之人。不我肯穀。言還言歸。復我邦族。此象曰。君子于行。義不食也。食我之謂也。也。義我所欲也。二者不可得兼。舍食而取義者也。故曰。義不食也。舍食取義。唯君子

能之。故曰。君子于行。義不食也。詩云。彼君子兮。不素食兮。此之謂也。



以離變乾。
明夷之泰。

六二。明夷。夷于左股。用拯馬壯吉。

變乾位
西北太

陽西沒。則東半先黑。故曰。夷于左股。世衰道微。則文臣見背。故曰。明夷。夷于左股。變乾為馬。夫明夷。乃夜卦也。馬得夜喂。方壯。故曰。用拯馬壯。國亂兵興。武將得時。故曰。用拯馬壯吉。當殷之末世。故曰。明夷。夷于左股。用拯馬壯吉。詩云。擊鼓其鐃。踴躍用

兵此之謂也

象曰六二之吉順以則也


左順右逆變乾

為天天道左旋故曰順以則也順天者昌

故曰六二之吉順以則也詩云不識不知

順帝之則此之

謂也



以離變震明夷之復

九三明夷夷于南狩得其大首不可疾貞

離位正南變震為玄黃以雜之故曰夷于南狩夜淙于半太陽到北距盧洲其光不

照南瞻部洲。故曰明夷。夷于南狩。變震為
神明。不測之龍。於人心為君主之官。神明
出焉。故曰大首。子半乃人發夜氣之時。故
曰得其大首。變震為決躁。故曰疾貞。牯之
反復。則其夜氣不足以存。故曰不可疾貞。
人心惟危。道心惟微。惟精惟一。允執厥中。
是以明夷利艱貞。故曰明夷。夷于南狩。得
其大首。不可疾貞。詩云。夙夜基命。宥密於
緝熙。單厥心。肆其靖之。此之謂也。
象曰南狩之志乃大得
也。清夜捫心。欲謹旦晝。云為。故曰南狩之
志。心之官則思。思則得之。故曰乃大得。

也。此天之所與我者。先立乎其大者。則其小者不能奪也。此為大人而已矣。故曰。南狩之志。乃大得也。詩云。之子于征。有聞無聲。允矣。君子。展也。大成。此之謂也。



以坤變震。明夷之豐。

六四入于左腹。獲明夷之心。于出門庭。

坤為

腹。故曰。腹。變震。位東。故曰。左。日到扶桑。則矇景矣。故曰。入于左腹。乃矇景透光矣。故曰。獲明夷之心。透光則出卯矣。開門為卯。日出而作。故曰。于出門庭。剛柔者。晝夜之

象也。以柔變剛。自夜轉晝。昨夕用晦而明。今朝自昭明德。故曰入于左腹。獲明夷之

獲心意也。

用晦而明。今既明矣。故曰獲心意也。

得之。坐以待旦。故曰入于左腹。獲心意也。詩云。昊天曰旦。及爾游衍。此之謂也。

䷣

以坤變坎。自明夷之既濟。

六五不明晦。初登于天。後入于地。

變坎為月。到二

十九日夜無光。故曰：不明晦。初三日，哉生明。當晝而出。故曰：初登于天。到月盡，雖夜亦不見。故曰：後入于地。天地盈虛，與時消息。故曰：不明晦。初登于天，後入于地。詩云：日居月諸，胡迭而微。此之謂也。象曰：初登于天，照四國也。後入于地，失則也。自弦而望，故曰：初登于天，照四國也。由魄而晦，故曰：後入于地，失則也。行二十九日，有奇。大建則虧，小建則盈。歲月過差，時令不正。故曰：初登于天，照四國也。後入于地，失則也。詩云：靡不有初，鮮克有終。此之謂也。

三三

以坤變艮。明夷之賁。

上六箕子之明夷利貞。

坤八變艮七。合計十五。箕子則洛書

縱橫圍斜皆得一十五之妙。以衍洪範九疇。故曰。箕子之明。坤順變艮止。順而止之。觀象也。觀象成剝。故曰。箕子之明夷。其利物足以合義者。莫大乎洪範。其貞固足以幹事者。莫大乎九疇。故曰。利貞。以闔戶。謂之坤。變成終萬物。始萬物。莫盛乎艮。正是內難而能正其志。箕子以之之象。故曰。箕子之明夷。利貞。詩云。國雖靡止。或聖或否。

民雖靡盬。或哲或謀。或肅或乂。如彼泉流。無淪胥以敗。此之謂也。

象曰：箕

子之貞。明不可息也。

變艮東北寅乃黎明昧爽之時用晦而明

已待明矣故曰明不可息也當箕子遇紂箕子之明夷後箕子遇武箕子之明貞使羹倫攸叙焉故曰箕子之貞明不可息也詩云維此聖人瞻言百里此之謂也



離下
翼上

家人利女貞

明夷者傷也傷于外者必反其家故受之以家人家人者

內也。為卦內卦離中女。上加巽者入也。入女。乃娶婦之家也。故曰家人。上卦巽長女。下卦離中女。故曰女。下卦離為日。上卦巽為工。不曠日工。故曰貞。上卦巽木長女。下卦離火中女。木能生火。木火通明。乃婆媳相繼。妯娌相得也。故曰利女貞。表壯不如裏壯。故曰家人利女貞。詩云如賈三倍。君子是識。婦無公事。修其蠶織。此之謂也。

象曰風自火出家人君子以言有物而行

有恒。風自火出。乃父父子子。兄兄弟弟。夫夫婦婦。之一團和氣也。故曰風自火

出家人有柴方能。有火方能噴熱。故曰。君子以言有物。而行有恒。養育家人。竈是主。熏蒸子弟。口為烘。故曰。風自火出。家人。君子以言有物。而行有恒。詩云。嗚呼小子。告爾舊止。聽用我謀。庶無大悔。此之謂也。



以離變艮。家人之漸。

初九無攸遂在中饋貞吉。

離為火。變艮為小石。火燒小石。

乃硬煤爐也。爐中之火。乃取斂之火也。故曰。無攸遂。變艮為徑路。乃曲僻之廚房也。

故曰。在中饋。離中女。變艮為門闕。女正位。
乎內。供酒漿。作羹湯。乃婦道之本等。故曰。
無攸遂。在中饋。貞吉。詩云。執爨踏踏。為俎。
孔碩。或燔或炙。君婦莫莫。此之謂也。
象曰無攸遂志未變也。始於治飲食。終於
變也。爐火無生烈。婦道不展才。故曰。無攸
遂。志未變也。詩云。無非無儀。唯酒食是議。
無父母貽罹。此之謂也。

三三 以離變乾。家
人之小畜。

六二王假有家勿恤吉

變乾為君故曰王
離火變乾寒老陰

變少陽調和寒火變理陰陽無偏寒獨煖

無孤陰亢陽如此治家則全家感格矣故

曰王假有家內無怨女外無曠夫故曰勿

恤使男女無憾故曰吉夫有國有家者不

患寡而患不均不患貧而患不安此爻之

動變寒火既調陰陽既變蓋均無貧和無


寡安無傾也故曰王假有家勿恤吉詩云

惠于宗公神罔時怒神罔時恫刑于寡妻

至于兄弟以御于

家邦此之謂也象曰王假有家交相愛

也。父子恩。夫婦從。兄則友。弟則恭。故曰。交
相愛也。上。老老。而民興孝。上。長長。而民
興悌。上。恤孤。而民不倍。是以君子有絜矩
之道。故曰。王假有家。交相愛也。詩云。無怨
無惡。率由群匹。受福無疆。四方之綱。此之
謂也。



以離變震。
家人之益。

九三家人嗃嗃悔厲吉婦子嘻嘻終吝。離

火。如火烈烈。能使家人畏憚。故曰。家人嗃
嗃。畏憚則改過不吝。故曰。悔厲吉。不合變

震為笑言啞啞。竟招婦子玩狎。故曰婦子
嘻嘻。玩狎則過而不改。故曰終吝。家人有
嚴君焉。家長嚴則家人務正。家長戲則婦
子從邪。故曰家人嗃嗃。悔厲吉。婦子嘻嘻。
終吝。詩云。豈不爾思。畏子不敢。又云。
顧我則笑。謔浪笑傲。此之謂也。

象曰

家人嗃嗃。未失也。婦子嘻嘻。失家節也。

畏

則嚴於禮。能守家節。故曰家人嗃嗃。未失
也。玩狎則涉乎淫。多放於禮。故曰婦子嘻
嘻。失家節也。欲齊其家者。先修其身。若身
不修。不可以齊其家。故曰家人嗃嗃。未失

也。婦子嘻嘻。失家節也。詩云。凡百君子。各敬爾身。此之謂也。



以巽變乾。家人之同人。

六四富家大吉

巽為近利市三倍。故曰富。變乾為金。金主義。是準於

義之利也。利準於義。方能富其家焉。故曰富家。富則多恕。積而不散之故也。變乾為雲。行雨施。品物流形。是積而能散。可使九族大家共富。故曰大吉。既見得思義。又積而能散。乃一門望族也。故曰富家大吉。詩云。百室盈止。婦子寧止。此之謂也。

象曰富家大吉順以巽也

巽風變乾天以風旋天故曰順

以巽也以風旋天天道順以富旋家家道順故曰富家大吉順以巽也詩云廼積廼倉廼裹餼糧于橐于囊思輯用光此之謂也

三三

以巽變艮家人之責

九五閑有家悔亡

以齊乎巽變艮為門闕乃齊其家者也欲齊其

家必防閑內外故曰閑有家內言不出於閫外言不入於閫既有家規則免外嫌故

曰。悔亡。君子不出家而成教於國。故曰。閑
有家。悔亡。詩云。其類維何。室家之壺。君子
萬年。永錫作亂此之謂也。象曰。閑有家。順在位也。巽順
變為艮。君子以思不出其位。故曰。順在位
也。一家大小。各安本分。故曰。閑有家。順在
位也。詩云。不愆不忘。率由舊章。此之
謂也。

三三

以巽變坎家
人之既濟

上九悔亡。厥宗噬膚。往何咎。

巽為進退不
果。故曰。悔。變

坎為心。亨有尚。乃施不望報。與不追悔也。
故曰。悔亡。巽為木。木有分枝。變坎為水。水
有分派。人之有宗族。猶水之有分派。木之
有分枝也。故曰。厥宗。巽者入也。故曰。噬。變
坎為血卦。故曰。膚。子姓之衆。皆出祖宗一
人之身。必使血脉相通。疴癢相關。故曰。厥
宗。噬膚。寧厚勿薄。寧親勿疏。尊卑必以序
相洽。長幼必以分相聯。喜則相慶。以結其
綢繆。戚則相憐。以通其緩急。故曰。往何咎。
聖人設家人卦。教人敦孝悌。以重人倫。必
篤宗族。以昭雍睦也。故曰。悔亡。厥宗噬膚。
往何咎。詩云。懷德維寧。宗子維城。無俾城

壞。無獨斯畏。

此之謂也。

象曰。厥宗噬膚。往有慶也。變坎。

維心亨。行有尚。故曰。往有慶也。克明峻德。

以親九族。九族既睦。平章百姓。百姓昭明。

協和萬邦。黎民於變時雍。故曰。厥宗噬膚。

往有慶也。詩云。大邦維屏。大宗維翰。

離上。荒下。

睽小事吉。

家人者。內也。家道窮必垂。故受

中女。內卦。荒。現也。現女。乃嫁之家也。離中

女。荒。少女。二女同居。娘家姊妹。及其嫁也。

各夫各姓。故曰睽。女子之嫁也。母命之曰。往之汝家。必敬必戒。無違夫子。以順為正者。妻婦之道也。故曰。小事吉。其在人情。有禮從宜。使從俗。小德出入可也。故曰。睽小。事吉。詩云。君子實維。秉心無競。此之謂也。象曰。上火下澤。睽君。

子以同而異。

上火下澤。炎上作苦。潤下作

與。異已不非。故曰。君子以同而異。惡紫奪朱。惡莠亂苗。釋老亂儒。楊墨亂德。故曰。上火下澤。睽。君子以同而異。詩云。自有肺腸。此之謂也。

三三

以兌變坎。睽之未濟。

初九睽孤見豕負塗載鬼一車先張之弧。


後脫之弧往遇雨則吉。

變坎為水其為物不貳故曰孤人棄

常則與衆不同故曰睽孤變坎為豕故曰見豕坎為溝瀆故曰負塗人棄常則厭惡生故曰見豕負塗變坎為隱伏故曰載鬼坎為輿曳故曰一車人棄常則妄誕生故曰載鬼一車變坎為弓故曰弧坎為矯揉矯以象弛弓尚角揉以象張弓尚筋人棄

常則張弛反覆故曰先張之弧後脫之弧
變坎為水故曰往遇雨先是兌澤潤下作
鹹鹹則生痰生痰則有火於人為痰火亂
神明得一陣大雨淋頭則心火退矣故曰
往遇雨則吉始則誤入楊墨後得遇儒教
闡明比於夷子得孟子之点拨迷途覺今
是而昨非憮然為閒曰命之矣故曰睽孤
見豕負塗載鬼一車先張之弧後脫之弧
往遇雨則吉詩云既見君子
子我心寫兮此之謂也
象曰遇雨之吉
群疑亡也
黜斥異端以崇正學故曰遇雨
之吉有如時雨化之者故曰遇

雨之吉。群疑亡也。詩云。我心寫兮。是以有
譽處兮。此之謂也。



睽之噬嗑

九二悔亡。喪馬勿逐。自復。見惡人無咎。

其兌

於地也。為剛鹵。變震其於稼也。為反生。故
曰。悔亡。變震其於馬也。為善鳴。為鼻足。為
作足。為的顙。故曰。馬剛鹵不毛則喪去。反
生有草則復來。故曰。喪馬勿逐。自復。變震
為決躁。故曰。見惡人。人潔己以進。與其潔
也。故曰。見惡人無咎。彼逃墨必歸於楊。逃

楊必歸於儒。歸斯受之而已矣。故曰。悔亡。
 喪馬勿逐。自復。見惡人無咎。詩云。江有汜。
 之子歸。此之謂也。
象曰。見惡人以闢咎也。能言
 謂也。
 墨。故曰。以闢咎也。不直則道不現。我且直
 之。故曰。見惡人以闢咎也。詩云。飲之食之。
 教之誨之。此之謂也。



以兌變乾。
 睽之大有。

六三。其人天且劓。匪寇婚媾。無初有終。乾
 為

首從荒上缺變來乃首不留髮也故曰其
人天荒為口變乾純一乃口不留髭也首
不留髮口不留髭乃釋氏之徒無我相無
人相無衆生相無壽者相也故曰其人天
且剝釋教不要妻而苟合淫邪胡亂故曰
匪寇婚媾釋教不要妻而有子以徒為子
也故曰無初有終墨氏兼愛是無父也故
曰其人天且剝匪寇婚媾無初有終詩云
終遠兄弟謂他人父此之謂也象曰其人天且剝位不當
也無初有終遇剛也異相旁門故曰其人
天且剝位不當也誤

信佛說金剛經。故曰。無初有終。遇剛也。邪說誣民。充塞仁義。睽之甚也。故曰。其人天且劓。位不當也。無初有終。遇剛也。詩云。回適其德。俾民大棘。此之謂也。



以離變艮
自睽之損

九四遇主于巷無咎

離為目。目有見。故曰。遇。變艮為山。山坐守。

故曰。主。艮為徑路。故曰。巷。乃楊氏為我執。

左道以惑眾者。故曰。遇主于巷。先是離為。

文明。我居天下之廣居。我立天下之正位。

我行天下之大道。偶遇不居天下之廣居。

者。不立天下之正位者。不行天下之大道者。爾為爾。我為我。故曰。遇主于巷。無咎。詩云。民之多僻。無自立僻。此之謂也。

象曰。遇主于巷。未失道也。

也。離明變艮止。文明以止。人文也。觀乎人文。以化成天下。故曰。未失道也。君子以同而異。故曰。遇主于巷。未失道也。詩云。雖則如雲。匪我思存。此之謂也。




以離變乾
自睽之履

六五有孚。威如終吉。

以離變乾。文明以健。中正而應。君子正也。

故曰。有孚。變乾為君。惟辟作威。故曰。威如。
聖王乃作。則諸侯不得放恣矣。處士不得
橫議矣。故曰。有孚威如。君子反經而已矣。
經正則庶民興。庶民興。斯無邪慝矣。故曰。
終吉。如孔子成春秋。而亂臣賊子懼。故曰。
有孚威如。終吉。詩云。既有淫威。降福孔夷。
象曰。威如之吉。反身之謂也。有大成人者。正
也。故曰。反身之謂也。君子不賞而民勸。不
怒而民威於鈇鉞。乃君子之相在爾室。尚
不愧于屋漏之効也。故曰。威如之吉。反身
之謂也。詩云。不聞亦式。不諫亦入。



睽以離變震。睽之歸妹。

上九睽孤遇元夫交孚厲無咎。

離為火其為物不貳。

故曰孤。火動而上。乃君子上達與小人下達之衆不同。其特立有如此者。故曰睽孤。離為目。目有見。故曰遇。變震為長男。故曰元夫。德不孤。必有鄰。故曰遇元夫。離電變震雷。雷電合而章。故曰交。與朋友交言而有信。故曰交孚。朋友有責善之道。故曰厲。交友投分。切磨箴規。故曰厲無咎。離為文明。變震者動也。君子以文會友。以友輔仁。

故曰睽孤遇元夫交孚厲無咎詩云人涉卬否卬須我友此之謂也

象曰交

孚無咎志行也

同志為友莫逆之交故曰志行也同心撥睽世共志

挽汙俗能言非楊墨爾我聖人徒故曰交孚無咎志行也詩云朋友攸攝攝以威儀



坎上艮下

蹇利西南不利東北利見大人貞吉

睽者垂也

垂必有難故受之以蹇蹇者難也為卦山上有水陟降皆滑跌蹇足故曰蹇艮乃東

北之山也。東北山上有水。流下往潤西南。故曰利西南。其在東北。反高燥無存。故曰不利東北。上卦坎為赤。維心亨。下卦艮少男。有赤子之象焉。不失其赤子之心。故曰大人必經蹇難。方出聖賢。故曰利見大人。如保赤子。心誠求之。故曰貞吉。故天將降大任於是人也。必先苦其心志。勞其筋骨。餓其體膚。空乏其身。行拂亂其所為。所以動心忍性。增益其所不能。故曰蹇利西南。不利東北。利見大人。貞吉。詩云。有斐君子。如切如磋。如琢如磨。此之謂也。

象曰山上有水蹇君子以

反身修德

山上有水。蹇。足難登。故曰。山上

其仁。

治人不治。反其治。禮人不答。反其敬。

故曰。

君子以反身修德。行有不得者。皆反

求諸己。

故曰。山上有水。蹇。君子以反身修

德。

詩云。其德克明。克明克類。此之謂也。

三三

以艮變離。蹇之既濟。

初六往蹇來譽

艮為小石。變離為文明。有

求售。

故曰。往蹇。儒者抱席珍待聘。故曰。來

譽。

沽之哉。我待價者也。故曰。往蹇來譽。詩

云言念君子溫其如玉此之謂也

象曰往蹇來譽宜待也

儒有席上之珍以待聘夙夜強學以待問懷忠信以待舉力行以待取故曰宜待也其自立有如此者故曰往蹇來譽宜待也詩云愷悌君子干祿愷悌此之謂也



以良變巽自蹇之井

六二往蹇來反

艮者止也故曰往蹇變巽者入也故曰來反變巽為

近利市三倍乃非可求而得之富也子曰富而可求也雖執鞭之士吾亦為之如不

可求。從吾所好。故曰。往蹇來反。詩云。衡門之下。可以棲遲。泌之洋洋。可以樂飢。此之謂也。象曰。往蹇來反。內喜之也。樂亦在其中矣。故曰。內喜之也。反身而誠。樂莫大焉。故曰。往蹇來反。內喜之也。詩云。編衣茹蘆。聊可與娛。此之謂也。




以艮變坤。自蹇之比。

九三主臣蹇蹇有孚元吉無咎。

艮為山。象君之尊。故

曰主。變坤為地。象臣之卑。故曰臣為君難。
為臣不易。故曰主臣蹇蹇。夫蹇利西南。此
變坤西南。故曰有孚元吉。蹇利西南。往得
衆也。故曰有孚元吉。無咎。后克艱厥后。臣
克艱厥臣。政乃乂。黎民敏德。故曰主臣蹇
蹇。有孚元吉。無咎。詩云。嗟嗟臣工。敬爾在
公。王釐爾成。來咨
來茹。此之謂也。
象曰主臣蹇蹇終無尤
也。欲為君。盡君道。欲為臣。盡臣道。故曰主
臣蹇蹇。君造始。臣代終。故曰終無尤也。
元首明哉。股肱良哉。庶事康哉。故曰主臣
蹇蹇。終無尤也。詩云。濟濟辟王。左右奉璋。

奉璋。戕戕。髦士攸宜。此之謂也。

 以坎變兌。自蹇之咸。

六四往蹇來連。

坎為水。流水之為物也。不盈。科不行。故曰往蹇來連。

為澤。水與澤合。故曰來連。盈科而後進。放乎四海。故曰往蹇來連。詩云。汜彼流水。朝宗于海。此

之謂也。象曰往蹇來連當位實也。坎居

乃以剛中。故曰當位實也。有本者如是。當位貞吉。以正邦也。故曰往蹇來連當位實。

位貞吉。以正邦也。故曰往蹇來連當位實。

也。詩云。江漢湯湯。武夫洸洸。經營四方。告成于王。此之謂也。

䷁ 以坎變坤 自蹇之謙

九五見輿曳其牛掣大蹇朋來。坎其于輿也為多眚。

為曳故曰見輿曳變坤為牛故曰牛從坎者陷也變來故曰其牛掣坎水變坤地水土相混泥濘輶深故曰見輿曳其牛掣任重道遠又兼路塞乃投大艱于朕身也故曰大蹇變坤為利西南得朋故曰朋來以坎變坤行險而順乃得道者多助也故曰

大蹇朋來。夫蹇乃未得地利之卦也。此爻變坤。柔順利貞。君子攸行。乃得人和焉。地利不如人和。故曰見輿曳其牛掣大蹇朋來。詩云仲山甫之德柔嘉維則此之謂也。

象曰大蹇朋來以中節也。

多助之至天下順之故曰以中

節也。蹇之時用大矣哉。故曰大蹇朋來以中節也。詩云終踰絕險曾是不易。



以坎變巽自蹇之漸。

上六往蹇來碩吉利見大人。

坎為水流水之為物逢低

則洩。遇高即洞。故曰。往蹇。變巽為長。故曰。來碩。巽為長女。乃君子得賢妃內助也。碩人其碩。故曰。往蹇來碩。辰彼碩女。令德來教。故曰。吉。碩人敖敖。稅于農郊。故曰。往蹇來碩。吉。淑女來配。君子故曰。利見大人。淑女乃女中之大人。君子乃男中之大人。乃天作之合。以立厥配也。得其內助。亦能濟蹇。蹇之時用大矣哉。故曰。往蹇來碩。吉利。見大人。詩云。摯仲氏任。自彼殷商。象曰。往來嫁于周。曰。嬪于京。此之謂也。

蹇來碩志在內也利見大人以從貴也

求夫

婦助。故曰。往蹇來碩。志在內也。婦因夫貴。故曰。利見大人。以從貴也。小君實闕乎有國。故曰。往蹇來碩。志在內也。利見大人。以從貴也。詩云。魯侯燕喜。令妻壽母。宜大夫庶士。邦國是有此之謂也。



坎下
震上

解利西南無所往其來復吉有攸往夙吉。

蹇者難也。物不可以終難。故受之以解。解者緩也。為卦上卦震為龍。下卦坎為水。由

蹇卦翻身。乃困龍得雨也。故曰解。震東坎北。龍戲東北。海之水去。雨西南地之田。故曰利西南。若西南地既優。既渥。既霑。既足。其滲行地脉之水。仍歸於東北。海也。故曰無所往。其來復吉。雨貴及時。故曰有攸往。夙吉。蹇難也。解緩也。七八月之間旱。則苗槁矣。天油然作雲。沛然下雨。則苗勃然興之矣。故曰解利西南。無所往。其來復吉。有攸往。夙吉。詩云。孔惠孔時。維其盡之。此之謂也。

象曰雷雨作解。

君子以赦過宥罪。

雷雨作。乃天赦也。故曰雷雨作。解。惟天佑民。惟

解

四八

辟奉天。故曰：君子以赦過宥罪。天地之大德曰生。聖人之守位曰仁。故曰：雷雨作，君子以赦過宥罪。詩云：維此惠君，民人所瞻。此之謂也。



以坎變兌。解之歸妹。

初六可貞，利有攸往，無咎。

以坎水變兌澤，自成澤中有水。

節乃好雨，知時節也。故曰：可貞，利有攸往。


合乎本卦有攸往風吉。故曰：無咎。若歲大旱，用汝作霖雨。故曰：可貞，利有攸往，無咎。

詩云：以祈甘雨，以介我稷黍。此之謂也。

象曰剛柔之際義無咎也

坎剛水變兌柔澤乃細雨勾露

故曰剛柔之際時雨休徵肅而不狂故曰剛柔之際義無咎也詩云不競不鍊不剛不柔敷政優優百祿是適此之謂也



以坎變坤自解之豫

九二田獲赤狐得黃矢貞吉

坎為赤故曰赤坎為隱伏

故曰狐變坤為地故曰田坎水變坤土土能剋水故曰田獲赤狐坤土色故曰黃坤

解

四九

者順也。順以成直。故曰：矢。黃矢射赤狐。狐獲矢仍在。故曰：得黃矢。坎險變坤順。去險効順。故曰：貞吉。田獲赤狐。去邪勿疑也。得黃矢貞吉。任賢勿貳也。舉直錯諸枉。能使枉者直。故曰：田獲赤狐。得黃矢貞吉。詩云：彼其之子。邦之司直。此之謂也。象曰：得黃矢貞吉。小人退也。舉中直人秉政。故有天下。選於衆。舉臯陶。不仁者遠矣。湯有天下。選於衆。舉伊尹。不仁者遠矣。解之時用大矣哉。故曰：得黃矢貞吉。小人退也。詩云：申伯之德。柔惠且直。此之謂也。

䷧

以坎變巽。自解之恒。

六三負且乘致寇至貞吝。


坎為水。向來流。下變巽為木。而

今浮上下流變成上浮。乃肩夫坐輿也。故曰負且乘。坎水變巽風。風來浪作。故曰寇至。肩夫坐輿。賤役而充官貴。必招人從。輿內揪出。故曰致寇至。越禮犯分。所幹之事。乃是取禍之道。故曰貞吝。子曰。作易者。其知盜乎。易曰。負且乘。致寇至。負也者。小人之事也。乘也者。君子之器也。小人而乘君子之器。盜思奪之矣。上慢下暴。盜思伐之。

矣。慢藏誨盜。冶容誨淫。盜之招也。故曰。負且乘。致寇至。貞吝。詩云。胡然而天也。胡然而帝也。此之謂與。象曰。負且乘。亦可醜也。自我致

戎。又誰咎也。非其有而。有之。故曰。負且乘。亦可醜也。不應為而為之。故

曰。自我致戎。又誰咎也。比於冒藉。報考。捏名充官。考中被揭。充成被劾。故曰。負且乘。亦可醜也。自我致戎。又誰咎也。詩云。彼其之子。不稱其服。此之謂也。

以震變坤。自解之師。

九四解而跖匪躬之故朋至斯孚

震為足故曰跖

震足變坤地以足履地乃行降階之恭送往迎來禮賢下士也故曰解而跖變坤行地無疆乃有朋自遠方來非爾之舊友也故曰匪躬之故變來坤衆故曰朋至坤為地土主信故曰斯孚震動變坤順動而以順行是以出入無疾朋來無咎故曰朋至斯孚其為人也好善則四海之內皆將輕千里而來告之以善故曰解而跖匪躬之故朋至斯孚詩云有秋之杜生于道左彼君子兮噬肯逝我中心好之曷飲食之此

之謂也。

象曰：解而蹇，未當位也。

震侯變坤象，乃以貴下賤。

也。故曰：解而蹇，古之賢王好善而忘勢，故曰：未當位也。用上敬下，謂之尊賢。周公元宰，肯下白屋之士，故曰：解而蹇，未當位也。詩云：維君子命，媚于庶人。此之謂也。



以震變兌，自解之困。

六五：君子維有解，吉有孚于小人。

震東方木主仁。


唯仁者能好人，能惡人。故曰：君子維有解。君子無偏無陂，遵王之義。君子無有作好。

遵王之道。君子無有作惡。遵王之路。君子
無偏無黨。王道蕩蕩。君子無黨無偏。王道
平平。君子無反無側。王道正直。故曰。君子
維有解。吉。震動變兌悅。動而悅隨。君子會
其有極。小人歸其有極。故曰。有孚于小人。
上行而下效。成一道同風之盛。解之時用
大矣哉。故曰。君子維有解。吉。有孚于小人。
詩云。愷悌君子。民之攸歸。此之謂也。

象曰。君子有解。得中道也。

震正東。變兌正西。故曰。得中道。

也。君子有絜矩之道。故曰。君子有解。得中
道也。詩云。愷悌君子。四方維則。此之謂也。



以震變離。
解之未濟。

上六公用射隼于高墉之上獲之無不利。


公百里之君也。震驚百里。故曰公。以震為決躁。變離為戈兵。決躁以出戈兵。故曰用射。變離為雉。故曰隼。離為火。火動而上。故曰于高墉之上。震動變離明。故曰獲之。無不利。子曰隼者禽也。弓矢者器也。射之者人也。君子藏器于身。待時而動。何不利之有。動而不括。是以出而有獲。語成器而動者也。故曰公用射隼于高墉之上獲之。無

不利。詩云。發彼有的。象曰。公用射隼。以解

悖也。強弗友。剛克。故曰。公用射隼。解者。緩

也。隼。乃急物。與時相悖。不可不除。故曰。公用射隼。以解悖也。詩云。鴟鶚鴟鶚。既

取我子。無毀我室。此之謂也。



兌下。艮上。

損。渴之用。二簋可用享。酌損之。無咎。解者。緩也。

緩必有所失。故受之以損。損者。德之修也。為卦下卦兌為澤。滿上卦艮形覆碗。未有

滿而不覆者。故曰。損。下兌為剛。鹵。潤下作
鹹。鹹而作渴。故曰。渴。上艮為山茶。故曰。渴
之用。兌上缺。乃九分滿也。上加艮。覆碗。成
一茶。蓋碗也。故曰。二簋。渴者甘飲。故曰。可
用。享。飲器也。故曰。酌。夫茶乃消食之藥也。
故曰。酌。損之用。而當。故曰。無咎。用當。通神。
故曰。損。渴之用。二簋可用。享。酌。損之。無咎。
詩云。孔惠孔時。維其盡之。此之謂也。

象曰。山下有澤。損。君子以懲忿窒慾。

山下有澤。

乃山流下注也。故曰。山下有澤。損。太過者。
損之斯成。故曰。君子以懲忿窒慾。既見水。

落石出。可以心平氣和。故曰。山下有澤。損。君子以懲忿窒慾。詩云。我心匪石。不可轉也。我心匪席。不可捲也。此之謂與。



以兌變坎。自損之蒙。


初九。已事遄往。無咎。

已者決也。兌為附決。故曰。已。變通之謂事。

變坎為通。故曰。事。君子有當務之為急。則毫無疑義也。故曰。已事。以兌決變坎水。乃方決之水也。沛然莫禦。故曰。遄。君子急其所先務也。故曰。遄往。兌位西方。金主義。

此爻動乃義舉也。故曰無咎。見義不為無
勇也。故曰已事遄往無咎。詩云無然歆羨
誕先登于岸。象曰已事遄往尚合志也。救

此之謂也。於水火之中。故曰已事遄往。民之悅之猶
解倒懸。故曰尚合志也。今時則易然。時哉
弗可失。故曰已事遄往尚合志也。詩云玃
玃孔熾。我是用急。此之謂也。




以兌變震
自損之頤

九二損其疾使遄有喜無咎

兌為口。病從
口入。故曰疾

損以遠害。故曰。損其疾。變震為決躁。故曰。使遄震為笑言。啞啞。故曰。有喜。疾當求速。愈。過則勿憚。改。故曰。使遄有喜。去邪勿疑。改。過不吝。故曰。無咎。如知其非義。斯速已矣。故曰。損其疾。使遄有喜。無咎。詩云。遄臻于衛。不瑕有害。此之謂也。象曰。損其疾亦可喜也。苟有過。人必知之。孔子幸人之言。過則喜。故曰。損其疾亦可喜也。詩云。人之好我。示我周行。此之謂也。



以兌變乾。
損之大畜。

六三二人行則損一人一人行則得其友。

兌數二。故曰二。兌為少女。乃二少女也。故曰二人行。兌二變乾一。故曰則損一人。二少女同行。分手各嫁各夫。故曰一人行。則得其友。子曰天地絪縕。萬物化醇。男女構精。萬物化生。易曰二人行則損一人。一人行則得其友。言致一也。孤陰不生。獨陽不長。一陰一陽之謂道。方能繼之者善也。成之者性也。故曰二人行則損一人。一人行則得其友。詩云有女懷春。吉士誘之。此之謂也。

象曰一人行二

則疑也。

夫婦有別。故曰二則疑也。人各有偶。兌與艮偶。動而變乾。乾與坤偶。

匹偶而不可亂。亂則生疑。故曰一人行二則疑也。詩鬢彼兩髦。實維我儀。此之謂也。

三三

以艮變離。自損之睽。

六四或益之。

句

十朋之。

句

龜弗克違。永貞。

吉。

損以遠害。必足食足兵。故曰或益之。變離為戈。兵不雜。則不利。長兵以衛。短

兵以守。長以衛。短以救。長迭戰。則久。皆戰則強。故曰十朋之。變離為龜。故曰龜。艮

止變離明其兆曰繹故曰龜弗克違艮止
變離戈止戈為武故曰永貞吉損者德之
修也有文修必有武備凡事豫則立有備
則無患故曰或益之十朋之龜弗克違永
貞吉詩云執競武王無
競維烈此之謂也
象曰或益之自外
來也損者德之修也得道者多助故曰或
益之惟德動天無遠弗届故曰或益
之自外來也詩云予曰有附疏予曰有先
後予曰有奔奏予曰有禦侮此之謂也

三三

以艮變巽
損之中孚

六五利貞。征凶。弗損益之。告公用圭。

先是成言


乎。艮。坐論道者。三公之職。故曰利貞。後變
巽為申。命行事。行致討者。元戎之任。故曰
征凶。坐論道。則天子是毗。行致討。則蠻夷
卒獲。允文允武。不剛不柔。故曰弗損益之。
巽為申。命。故曰告公。艮手變巽白。乃執玉
也。故曰用圭。冢宰征師於諸侯。故曰告公
用圭。此爻艮山變巽木。山上有木。漸漸之
進也。進以正。可以正邦也。進得位。往有功
也。止而巽。動不窮也。故曰利貞。征凶。弗損
益之。告公用圭。詩云。文武吉甫。萬邦為憲。

此之謂也。

象曰。利貞。征凶。固有之也。

君子所性。雖大行不

加焉。雖窮居弗損焉。故曰。固有之也。將相之才。是秉天生。故曰。利貞。征凶。固有之也。詩云。保茲天子。生仲山甫。此之謂也。



以艮變坤。自損之臨。

上九。弗損。益之。無咎。貞吉。利有攸往。得臣。

無家。

坤由艮變。自成地中有山。謙。謙受益。故曰。弗損。益之。謙則不矜。不伐矣。汝。

惟不矜。天下莫與汝爭能。汝惟不伐。天下
莫與汝爭功。故曰。無咎貞吉。艮山變坤地。
使人降印宅土。萬世永賴。故曰。利有攸往。
坤為臣。變來。故曰。得臣。良為門闕。動去。故
曰。無家。克勤于邦。克儉于家。乃理國忘家
之臣也。故曰。得臣無家。此爻之動。變功不
下。大禹損先難而後易。乃良臣思其艱而
圖其易也。故曰。弗損益之。無咎貞吉。利有
攸往。得臣無家。詩云。信彼南山。維禹甸之。
昀昀原隰。曾孫田之。此之謂也。

象曰。弗損益之。大得志也。

謙尊而光。卑而
不可踰。故曰。弗

損益之功被天下。故曰大得志也。功被天下。守之以讓。故曰弗損益之。大得志也。詩云。仲山甫之德。柔嘉維則。此之謂也。



震下
艮上

益利有攸往利涉大川。

損而不已必益。故

之裕也。為卦下震仰盂。上加巽入。虛能受物之象。故曰益。巽為木。震者動。木動乃車行之利也。故曰利有攸往。巽為風。震者動。風動乃舟行之利也。故曰利涉大川。陸乘


車。水乘舟。舟車所至。人力所通。故曰。益。利有攸往。利涉大川。詩云。溥彼涇舟。烝徒楫之。周王于邁。六師及之。此之謂也。

象曰。風雷益。君子以見

善則遷。有過則改。

風雷者。風以散之。雷以動之。風散則木暢。雷動

則草發。故曰。風雷。益出乎震。故曰。見善則遷。齊乎巽。故曰。有過則改。木暢活。條落稿枝。草抽新芽。脫腐符。故曰。風雷。益。君子以見善則遷。有過則改。詩云。方苞方體。維葉泥泥。此之謂也。




以震變坤
自益之觀

初九中行告公從利用為依遷國

震位正東故曰

中震者動也故曰行震動有聲故曰告變
坤為衆故曰公坤者順也故曰從用其中
於民又變坤以簡能臨下以簡簡則易從
故曰中行告公從益以興利故曰利用震
侯變坤衆民之所依者君也故曰為依震
動變坤地故曰遷國謀者所以違害就利
要者所以保業守成故曰利用為依遷國
因民之所利而利之能使小人樂其樂而

利其利。故曰。中行告公從。利用為依遷國。
詩云。樂只君子。民之父母。此之謂也。
象曰。告公從。以益志也。我圖爾居。逝彼樂
利用厚生。保我子孫。黎民率天下以仁。而
民從之。故曰。告公從。以益志也。詩云。攜無
曰益。牖民孔易。此之
謂也。



以震變兌。
益之中孚。

六二。益之用凶事。無咎。有孚中行。
變兌為
秋殺。乃

大司寇掌邦刑也。故曰：凶事。震東方木主仁。變兌西方金主義。乃居仁由義之人也。故曰：益之用凶事。仁者無枉。義者無縱。匪佞折獄。惟良折獄也。故曰：益之用凶事。無咎。震正東。變兌正西。故曰：中行。無偏無陂。遵王之義。故曰：有孚中行。刑期于無刑。民協于中。故曰：益之用凶事。無咎。有孚中行。詩云：淑問如皋陶。在泮獻囚。此之謂也。

象曰：益用凶事，中以為志也。原其心而論。為志也。期於無枉無縱。準乎有倫有要。故曰：益用凶事。中以為志也。詩云：秉心宣猶。

考慎其相。此之謂也。



以震變離。益之家人。

六三或益之。

句

十朋之。

句

龜弗克違。元吉。

震動變離乾。乃行者有裹糧也。故曰或益之。乃足食也。震專變離戈。乃戰者有全兵也。故曰十朋之。乃足兵也。震動變離龜動而明。其兆曰克。故曰龜弗克違。乃龜筮協從也。汝則從。龜從。筮從。卿士從。庶民從。是之謂大同。故曰元吉。足食足兵。民信之矣。

故曰。或益之。十朋之龜弗克違。元吉。詩云。于橐于囊。思輯用光。弓矢斯張。干戈戚揚。爰方啓行。此之謂也。象曰。六三元吉。自上佑也。龜乃申命之物。龜從即是天佑。故曰。自上佑也。動合天意。先天而天弗違。故曰。六三元吉。自上佑也。詩云。宜民宜人。受祿于天。保佑命之。自天申之。此之謂也。

益

以巽變乾。益之無妄。

六四。利用爲大作。元吉無咎。王用享于帝。

吉。

巽風變乾天。以風旋天。故曰。利用為大

之。

故曰。元吉無咎。變乾為君。故曰。王。乾為

天。

故曰。帝。巽風變乾天。風以養天。王以事

帝。

故曰。王用享于帝。益以興利。而民和年

豐。

故曰。吉。郊祀后稷。以配天。宗祀文王於

明堂。

以配上帝。故曰。利用為大作。元吉無

咎。

王用享于帝。吉。詩云。思文后稷。克配彼

天。

象曰。元吉無咎。下不厚事也。

樂望大告。太牢祭天。


非。

天子不可。故曰。元吉無咎。其在諸侯大

夫。

不得僭祀。故曰。下不厚事也。為下不倍。

故曰。元吉無咎。下不厚事也。詩云。不僭不濫。不敢迨遑。此之謂也。



以巽變艮。自益之頤。

九五莫益之。或擊之。立心勿恒。凶。

巽為近利市三

倍。故曰。益。變艮為徑路。乃悖入之邪財也。邪財不富。故曰。莫益之。變艮為手。故曰。擊。貨悖而入者。亦悖而出。故曰。或擊之。巽為近利市三倍。乃重利盤剝也。重利盤剝。放於利而行。多怨。故曰。莫益之。或擊之。巽為木。故曰。立心。變艮者。止也。故曰。勿恒。悖入

之時。則瞞心昧已。有而為無。盈而為虛。泰而為約。及其悖出也。又弄偽欺人。亡而為有。虛而為盈。約而為泰。先後甚矣。行詐始終難乎有恒。故曰立心勿恒。似此之人。若無恒產。則更無恒心矣。苟無恒心。放僻邪侈。無不為已。故曰凶。子曰君子安其身而後動。易其心而後語。定其交而後求。君子修此三者。故全也。危以動。則民不與也。懼以語。則民不應也。無交而求。則民不與也。莫之與。則傷之者至矣。故曰莫益之。或擊之。立心勿恒。凶。詩云維此良人。作為式穀。維彼不順。征以中垢。此之謂也。**象曰**

莫益之偏辭也。或擊之自外來也。

所發的是邪財。

故曰莫益之偏辭也。竟遭的是橫禍。故曰或擊之。自外來也。為富不仁矣。不仁者以身發財。故曰莫益之偏辭也。或擊之自外來也。詩云大風有隧。貪人敗類。此之謂也。



以巽變坎。自益之屯。


上九有孚惠心。勿問元吉。有孚惠我德。

變坎。

維心亨。故曰心。巽木變坎水。木得水潤。未有不。自內榮青。故曰有孚惠心。變坎為耳。

痛。故曰。勿問。利之而不庸。故曰。勿問。元吉。
有。如。時。雨。化。之。者。故。曰。有。孚。惠。我。德。王。者。
之。民。皞。皞。如。也。故。曰。有。孚。惠。心。勿。問。元。吉。
有。孚。惠。我。德。詩。云。予。懷。明。德。不。大。聲。以。色。
此。之。謂。也。象。曰。有。孚。惠。心。勿。問。之。矣。有。孚。惠。我。
德。大。得。志。也。君。子。陰。陽。下。民。故。曰。有。孚。惠。
心。勿。問。之。矣。下。民。嘉。樂。君。子。
故。曰。有。孚。惠。我。德。大。得。志。也。夫。君。子。所。遇。
者。化。所。存。者。神。上。下。與。天。地。同。流。豈。曰。小。
補。之。哉。故。曰。有。孚。惠。心。勿。問。之。矣。有。孚。惠。
我。德。大。得。志。也。詩。云。上。天。之。載。無。聲。無。臭。

儀刑文王。萬邦作孚。此之謂也。



乾下
兌上

夬揚于王庭。孚號有厲。告自邑。不利即戎。

利有攸往。

益而不已必決。故受之以夬。夬者決也。為卦上卦兌為口。下卦

乾為圓。

有上口而無下口。象人之胆。胆為

中正之官。

決斷出焉。故曰夬。兌為口。故曰

揚。乾為君。

故曰王。上兌澤。下乾龍。龍藏海

底。

有若天子之深宮。故曰王。庭百官以治。


萬民以察。臣民封奏。故曰。揚于王庭。兌為口說。故曰。孚號。乾者健也。故曰。有厲。口說無憑。書契可據。故曰。孚號有厲。史官秉筆記錄。百姓口誦心唯。故曰。告自邑。文德昭著。武功偃息。執筆安天下。故曰。不利。即戎。文字萬里。能說話。書契百世會遺言。故曰。利有攸往。上古結繩而治。後世聖人易之以書契。百官以治。萬民以察。蓋取諸夬。故曰。夬。揚于王庭。孚號有厲。告自邑。不利。即戎。利有攸往。詩云。王事多難。不遑起居。豈不懷歸。畏此簡書。此之謂也。

象曰。澤上于天。夬。君子以

施祿及下。居德則忌。

澤上于天。乃晝蒸夜

夫。蒸地上之澤。潤地上之物。乃惠而不費也。以爾惠爾。故曰。君子以施祿及下。居德則忌。晝蒸使人。不覺。夜墜使人。不聞。取諸地上。還諸地上。故曰。澤上于天。夫。君子以施祿及下。居德則忌。詩云。露彼蕭斯。零露瀼瀼。既見君子。為龍為光。此之謂也。



以乾變巽。夬之大過。

初九。貞吉。悔亡。以杞包瓜。章。

上古結繩而治。民多

忘悔。後世聖人易之以書契。百官以治。萬
民以察。故曰貞吉悔亡。變巽為木。故曰以
杞。杞乃流漆之木也。漆能寫字。象形會意。
轉註。諧聲。假借。處事之六書之法。全賴流
漆之杞。以包括之。故曰以杞包括含章。坤
為文。天包地外。天乃含章。聖人造字。字又
包於天外。故曰貞吉悔亡。以杞包括含章。
詩云。倬彼雲漢。昭回于天。此之謂也。

象曰貞吉悔亡志不舍命也

聖人造字使

口內有是聲。書中必有是字。故曰志不舍
命也。凡天下之物。凡口內之聲。莫不是天

命之謂性也。聖人作而萬物覩。故曰貞吉。悔亡。志不舍命也。詩云昊天有成命。

三三 以乾變離。自夫之華。

九二惕號暮夜有戎勿恤。 乾為金。變離

火。故曰惕號。乾位戌亥。故曰暮夜。夫決也。

剛決柔也。故曰惕號暮夜。變離為戈兵。故


曰有戎。小人道憂也。故曰有戎勿恤。聖人

造鬼夜哭。龍潛藏。鬼懼書其狀。龍畏寫其

形。鬼不敢作祟。龍不敢肆淫。故曰惕號暮

夜有戎勿恤。詩云胡不相畏。不畏于天。此


之謂也。象曰：有戎勿恤，得中道也。大哉乾乎。剛健中正。故曰得中道也。又變離位正南。恭己正南。面嚮明而治。故曰有戎勿恤。得中道也。詩云：矢其文德。洽此四國。此之謂也。


以乾變兌。自夬之兌。

九三：君子夬夬，獨行遇雨，若濡有愆，無咎。
乾變兌。健而悅。決而和。和而不流。強哉矯。故曰：君子卦係澤上于天。夬。此爻以乾變。

兌。兌。蓋乾上。又自成澤。上于天。夬。故曰。夬。夬。君子之心。公而恕。斷決事理。中正無偏。故曰。君子夬夬。乾數一。故曰。獨。君子與衆不同。故曰。獨行。變兌為澤。故曰。遇雨。君子違衆不避。故曰。獨行。遇雨。澤上於天。時或為露。故曰。若濡。行潤。時或為霜。作殺。故曰。有隕。君子有賞有罰。故曰。若濡有隕。君子賞罰無私。故曰。若濡有隕。無咎。此謂唯仁人。唯能愛人。能惡人。故曰。君子夬夬。獨行遇雨。若濡有隕。無咎。詩云。視民不忮。君子是則是。象曰。君子夬夬。終無咎也。君子獨斷。故曰。

君子夬夬。君子公正明決。片言折獄。而毫
無疑義。故曰。君子夬夬。終無咎也。詩云。柔
亦不茹。剛亦不吐。不侮矜寡。不畏彊禦。此
之謂也。



以兌變坎。
自夬之需。

九四。牽羊悔亡。臀無膚。其行次且。聞言不

信。


兌為羊。變坎為曳。故曰。牽羊。羊性狠。臨

宰不叫。故曰。牽羊悔亡。變坎為豕。豕豚
尖偏瘦。故曰。臀無膚。豕腹大拖泥。故曰。其
行次且。變坎為耳。故曰。聞言。坎為心病。故

曰不信。是畜皆通人言。唯羊豕二畜不通人言。故曰聞言不信。夫夫乃聖人造字之卦也。人若不識造字。如羊豕二物。不通人言。故曰牽羊悔亡。臀無膚。其行次且。聞言不信。詩云。嗚呼小子。未知臧否。匪手携之。言示之事。匪面命之。言提其耳。借曰未知。亦既抱子。象曰悔亡次且位不當也。聞言此之謂也。

不信聰不明也。困而不學。民斯為下矣。故曰悔亡次且位不當也。下愚不殺。故曰聞言不信。聰不明也。哀莫大於心死。人死次之。人雖有生。其心是死。乃

行屍走肉焉。故曰。悔亡。次且。位不當也。聞言不信。聰不明也。詩。人而無儀。不死何俟。



以兌變震。夫之大壯。

九五。覓陸。夫夫。中行無咎。

覓馬齒覓也。陸震為大塗也。覓

最滋蔓。變震大塗為蕃鮮。故曰。覓陸。先是兌為附決。夫後變震為決躁。又夫。故曰。夫夫。去邪勿疑。故曰。覓陸。夫夫。兌正西。變震正東。一條直路。故曰。中行。王道正直。故曰。中行無咎。夫夫。乃文字之卦也。聖人恐好事舞文者。弄邪說異端。充塞仁義。如覓草。

滋蔓充塞大塗除惡務滋必夫夫除盡使
大塗無莧草如文字無誣混也文字不撓
妄誕則天下之正道昭然故曰莧陸夫夫
中行無咎詩云以薺荼蓼荼蓼朽止黍稷
茂止此象曰中行無咎中危光也
之謂也
乃光故曰中危光也健而悅決而和致中
和天地位焉萬物育焉故曰中行無咎中
危光也詩云周道如砥其直如矢君子所
履小人所視此之謂也

三三三
以兌變乾
自夫之乾

上六無號終有凶喪羊于易無悔兌為羊

死之物。臨宰不出聲。故曰無號。兌羊變乾。金羊遇金。則到血盆矣。故曰終有凶。聖人造字成經。使人誦讀。一生享號有厲。生來不識文字。懶讀聖經。一世無號。糊塗至死。故曰無號終有凶。動去兌為羊。變來乾為馬。故曰喪羊于易。以小易大。故曰無悔。冥羊喻小人。良馬比君子。喪去冥羊。小人得來良馬。君子故曰喪羊于易。無悔。夫決也。剛決柔也。君子道長。小人道憂也。其剛決柔之勢。如馬盪群羊。故曰無號終有凶。喪


羊于易無悔詩云涼彼武王肆伐大商此之謂也

象曰無號之凶

終不可長也

所尚乃窮故曰無號之凶剛長乃終故曰終不可長也聞

誅一夫紂矣故曰無號之凶終不可長也詩云曾是莫聽大命以傾此之謂也



翼下乾上


姤女壯勿用取女無初有終

夫者決也決必有所遇故

受之以姤姤者遇也為卦上乾老父內翼長女老夫女妻遇以相遇故曰姤夫老矣

故曰。女壯。巽為風。乃自來之物。故曰。勿用取。巽風長女。於女乃奔嫁之女也。故曰。勿用取女。夫是再娶之夫焉。婦係再嫁之婦也。故曰。無初。後婚。晚媾。死則同穴。故曰。無初。有終。婚不以禮。偶不論年。鰥寡苟合。兩相姤遇。故曰。姤。女壯。勿用取女。無初有終。詩云。心乎愛矣。遐不作矣。此之謂也。象曰。天下有風。姤。后以施命。誥四方。天下有風。乃風。以旋天。相並行。王與后並貴。故曰。后以施命。誥四方。乾加巽上。亢龍有悔。憂詔出宮。故曰。天下

有風姤。后以施命誥四方。詩云維予小子。遭家不造。此之謂也。



以巽變乾。自姤之乾。

初六壯于前趾往不勝為咎。

巽風變乾剛。風從則虎。虎

之壯在前趾。故曰壯于前趾。巽柔變乾剛。

正是姤遇也。柔遇剛也。故曰往不勝。欺敵


者必敗。故曰往不勝為咎。巽者入。變乾為

首。入首之象。乃迎頭犯虎也。比於晉人有

馮婦者。善搏虎。卒為善士。則之野。有衆逐

虎。虎負嵎。莫之敢櫻。望見馮婦趨而迎之。

馮婦攘臂下車。衆皆悅之。其為士者笑之。孔子曰。暴虎馮河。死而無悔者。吾不與焉。故曰。壯于前趾。往不勝。為咎。詩云。袒裼暴虎。獻于公所。將叔無狃。戒其傷汝。此之謂也。象曰。不勝而往。咎也。好逞匹夫之勇。不勝而往。小人行險。以僥倖。恐未必能僥倖。故曰。不勝而往。咎也。詩云。匪我言耄。爾用憂譴。多將煊煊。不可救藥。此之謂也。


以巽變艮。
自姤之遯。

姤

七二

九二包無魚起

句

凶不利賓


巽乃震為龍之陰陽對待

故曰魚巽為進退游魚變良者止也乃不能進退之包直死魚故曰包無魚起姤乃五月之卦也天暑必臭故曰凶變良為狗狗阻外客故曰不利賓以巽為臭變良為門闕臭氣熏門乃鮑魚之肆也與惡人交如入鮑魚之肆久而不聞其臭與之化矣夫姤者遇也遇不可不慎故曰包無魚起凶不利賓詩云維彼不順自獨俾臧自有肺腸俾民卒狂此之謂也

象曰無魚之凶遠民也

魚餒

而肉敗不食。於人為行虧名辱者。行虧名辱。宗族不齒。鄉黨不容。故曰遠民也。自暴者。不可與有言。自棄者。不可與有為。存臭魚。畜惡狗。之互鄉。難與言。可以放流之。屏諸四夷。不與同中國。故曰無魚之凶。遠民也。詩云。取彼譖人。投畀豺虎。此之謂也。



以巽變坎。自姤之訟。

九三繫于金根。貞吉。羸豕孚蹢躅。有攸往。

見凶。巽為高。變坎為豕。高豕乃象也。象任金根輅。故曰繫于金根。貞吉。巽木變

坎豕。木主瘦。故曰。羸豕。象性雖馴。必使肥飽。若飢瘦。則野矣。故曰。羸豕孚蹢躅。野性一發。為禍不小。故曰。有攸往見凶。天之生物也。必因其材而篤焉。故栽者培之。傾者覆之。故曰。繫于金根。貞吉。羸豕孚蹢躅。有攸往見凶。詩云。彼其之子。碩大無朋。此之謂也。象曰。繫于金根。柔道牽也。剛柔能剋剛。故曰。繫于金根。柔道牽也。詩云。彼其之子。實大且篤。此之謂也。姤遇也。柔遇剛也。柔既遇剛。柔道牽也。詩云。彼其之子。實大且篤。此之謂也。



以乾變巽。自姤之巽。

九四有隕自天先庚三日後庚三日吉無

不利

乾天變巽風故曰有隕自天姤乃夏至五月中之卦夏至三庚是初伏初

伏末伏又三庚故曰先庚三日後庚三日

午未月有風乃南風也南風之熏兮可以

解吾民之愠兮南風之時兮可以阜吾民

之財兮故曰吉無不利夫姤乃天地相遇

品物咸章之月卦也此爻變巽風乃休徵

時風若也故曰有隕自天先庚三日後庚

三日吉無不利詩云其風肆

好以贈申伯此之謂也

象曰九四之

吉位正中也。

如此之好風。從大哉乾乎。剛健中正變來。故曰位正中也。

姤當夏至。乃天道之分中。故曰九四之吉。位正中也。詩云有周不顯。帝命不特。



以乾變離。自姤之鼎。

九五臀無膚其行次且厲無大咎。

變離為畜牝牛。

懷犢則腹大。腹大則臀消。故曰臀無膚。牛乃緩步之物。故曰其行次且。既懷犢而又當暑。故曰厲。非不用力。因勢使然。宜若無罪焉。故曰無大咎。姤遇也。柔遇剛也。牛乃

柔物。時遇剛暑。故曰。臀無膚。其行次且。厲也。無大咎。詩云。我生不辰。逢天憚怒。此之謂也。

象曰。其行次且。行未牽也。

放牛於夏暑

未牽也。牛不牽。則莫知所之。故曰。其行次且。行未牽也。詩云。或降于阿。或飲于池。



以乾變兌。姤之大過。

上九。姤其角。吝。無咎。

乾為龍。故曰。角。變兌為毀折。故曰。其

角。吝。鹿號斑龍。姤乃五月之卦。五月鹿角解。故曰。姤其角。吝。為氣候所使。乃天運使

然。非其罪也。故曰。無咎。莫非命也。順受其
正。故曰。姤其角。吝。無咎。詩云。天之抗我。如
不我克。此之謂也。**象曰。姤其角。上穹吝也。**
乾天變兌折。故曰。上穹吝也。上天使我解角。以應五月之
候。故曰。姤其角。上穹吝也。詩云。終窶且貧。
莫知我艱。已焉哉。天實為之。謂之何哉。此
之謂也。



兌上 坤下

萃王假有廟。利見大人。亨利貞。用大牲吉。

利有攸往。

姤者遇也。遇必有所聚。故受之以萃。萃者聚也。為卦下坤為

衆。上加兌者悅也。衆皆悅之。與衆樂樂。故曰萃。自初至四。互艮為門闕。故曰有廟。艮數七。乃天子之七廟也。故曰王假有廟。宗廟之禮。所以祀乎其先也。故曰利見大人。必嘉會合禮。利物合義。貞固幹事。故曰亨。利貞。下卦坤為牛。故曰大牲。乃天子之祭也。故曰用大牲吉。君子篤於親。則民興於仁。慎終追遠。民德歸厚矣。故曰利有攸往。武王周公其達孝矣乎。本文王之繫此也。夫孝者善繼人之志。善述人之事。春秋修

其祖廟陳其宗器設其裳衣薦其時食故
曰萃王假有廟利見大人亨利貞用大牲
吉利有攸往詩云春
秋匪懈享祀不忒
象曰澤上于地萃君

予以除戎器戒不虞

澤上于地草木暢茂

草木暢茂易於伏奸故曰君子以除戎器

戒不虞風靖萑苻弭盜萃以安民萃故曰

澤上于地萃君子以除戎器戒不虞詩云

用戒戎作用過蠻方此之謂也



以坤變震
自萃之隨

初六有孚不終乃亂乃萃若號一握為笑。

大吉無咎。

坤西南右。變震正東左。宗廟之禮。所以序昭穆也。故曰有孚昭

穆既序則又從新序爵。故曰不終序爵。所以辨貴賤也。貴賤既辨則又從新序事。故曰乃亂序。所以辨賢也。賢否既辨則又從新旅酬。故曰乃萃。旅酬下為上。所以逮賤也。上下既逮則又從新燕毛。故曰若號。燕毛所以序齒也。年齒序畢則一團和氣洋溢於祖廟之中。故曰一握為笑。宗廟之禮可謂全矣。故曰大吉。君子之心可謂盡

矣。故曰。無咎。以坤順變震動。順以動。豫。故曰。有孚不終。乃亂乃萃。若號一握為笑。大吉無咎。詩云。孔惠孔時。維其盡之。象曰。乃

亂乃萃。其志亂也。大吉無咎。志未變也。

亂不

則宗廟之禮不備。故曰。乃亂乃萃。其志亂也。雖亂則節文不紊。故曰。大吉無咎。志未變也。亂而敬。擾而毅。故曰。乃亂乃萃。其志亂也。大吉無咎。志未變也。詩云。既齊既稷。謂也。既匡既敕。永錫爾極。時萬時億。此之



以坤變坎。自萃之困。

六二孚乃利用禴匪孚元永貞悔亡。

變坎有孚。


維心亨。故曰孚。坤地變坎水。埽地而祭。故曰。利用禴。鬼神無常享。享于克誠。故曰。孚。乃利用禴。設初誠未格。再秉誠。始終如一。則無不格矣。故曰。匪孚。元永貞悔亡。思誠者。人之道也。至誠而不動者。未之有也。故曰。孚乃利用禴。匪孚。元永貞悔亡。詩云。神之格思。不可斁思。矧可射思。此之謂也。

象曰。孚乃利用禴中。

未變也。

變坎為赤。維心亨。不失其赤。子之心。故曰。中未變也。如保赤子。心誠

求之。故曰。孚乃利用禴。中未變也。詩云。維予小子。夙夜敬止。此之謂也。



以坤變艮。自萃之咸。

六三萃有位無咎。

變艮者止也。止其所也。故曰。有位。齋明盛服。以

承祭祀。洋洋乎。如在其上。如在其左右。故曰。萃有位。坤順變艮止。順而止之。觀象也。故曰。無咎。踐其位。行其禮。奏其樂。敬其所尊。愛其所親。事死如事生。事亡如事存。孝

之至也。故曰。萃有位。無咎。詩云。明昭有周。式序在位。此之謂也。象曰。萃有

位無咎。順事也。坤順變艮止。故曰。順事也。

之爵。故曰。萃有位。無咎。順事也。詩云。不僭不濫。不敢迨遘。此之謂也。

䷬ 以兌變坎。自萃之比。

九四。萃如嗟如。往無咎。小吝。變坎為加憂。故曰。嗟如。乃

寒門之祭也。故曰。萃如嗟如。兌變坎自成。澤中有水。節乃祭品不豐。用過乎儉也。故

曰小吝喪祭稱家之有無故曰往無咎小吝禮與其奢也寧儉喪與其易也寧戚故曰萃如嗟如往無咎小吝詩云象曰萃如

嗟如志末光也

變為坎水水明一作有內照無外射故曰志末光也


儉則固故曰萃如嗟如志末光也詩云嗟列祖有秩斯祜此之謂也

䷬ 以兌變震 自萃之豫

九五齎咨涕洟無咎

兌為澤乃汙潢行潦之水也故曰涕洟變震

為萑葦。乃澗溪沼沚之毛也。故曰淺。兌澤
明。變震雷信。乃有明信也。故曰無咎。苟有
明信。雖澗溪沼沚之毛。蘋蘩蕰藻之菜。筐
筥錡釜之器。汙潢行潦之水。可薦于鬼神。
可羞于王公。故曰齋咨涕洟。無咎。詩云。洞
酌彼行潦。挹彼注兹。可以濯漑。此之謂也。
象曰。齋咨涕洟。有喜也。兌者悅也。變震者
有喜也。秉其心之至誠。致其潔淨精微。鬼
神享于克誠。心到神知。故曰齋咨涕洟。有
喜也。詩云。顧予蒸嘗。湯孫之將。此之
謂也。



以兌變乾
自萃之否


上六王用享于岐山吉無咎

變乾為君故曰王兌悅變

乾天悅而應乎乾故曰用享乾位西北故曰岐山兌悅乃吉人也動變乾天吉人天相故曰吉無咎昔者太王居邠狄人侵之去邠邑於岐山之下居焉夫岐山乃周家祖山肇基發祥之地也故曰王用享于岐山吉無咎詩云天作高山太王荒之彼作矣文王康之此之謂也

象曰王用享于岐山致孝享

也。上祀先公。以天子之禮。故曰。王用享于岐山。斯禮也。達乎諸侯大夫及士庶人。故曰。王用享于岐山。致孝享也。詩云。彼徂矣。岐有夷之行。子孫保之。此之謂也。



巽下
坤上

升元亨。用見大人勿恤。南征吉。萃者聚也。聚而

上者謂之升。故受之以升。升者進而上也。為卦坤為地道。臣道加於巽為高之上。乃加諸上位之臣也。故曰。升。左右耳目股肱。既進。乃元首君之亨也。故曰。元亨。坤為臣。

內抱巽為繩直。乃繩愆直諫之臣也。秉直
事君。有犯無隱。故曰。用見大人勿恤。木從
繩則正。后從諫則聖。其恭己正南面者。有
不吉而且進焉。故曰。南征吉。巽為木。棟樑
之器也。坤為臣。廊廟之臣也。乃天產賢良。
為萃卦反對。拔乎其萃者也。故曰。升。元亨。
用見大人勿恤。南征吉。詩云。保
茲天子。生仲山甫。此之謂也。

象曰。地中

生木。升。君子以順德。積小以高大。

地中生

敏樹也。故曰。地中生木。升。人道敏政。故曰。
君子以順德。積小以高大。人之生也直。木

之生也順。故曰：地中生木，升。君子以順德，積小以高大。詩云：南山有桑，北山有楊。樂只君子，邦家之光。樂只君子，萬壽無疆。此之謂也。



以巽變乾。
自升之泰。

初六：冥升，利于不息之貞。

變乾為天。昊天罔極，故曰：冥於

天為上天之載，無聲無臭。於人為不識不知。順帝之則，君子之所不可及者，其唯人之所不見乎。故曰：冥升，變乾為天。天行健，君子以自彊不息。故曰：利于不息之貞。仁


義忠信。樂善不倦。此天爵也。故曰。冥升。利。于不息之貞。詩云。予懷明德。不大聲。以色。不長夏。以華。

此之謂也。

象曰。冥升在上。無所疑也。

變乾

為天。不可階而升也。故曰。冥升在上。天有常度。故曰。無所疑也。天之高也。星辰之遠也。苟求其故。千歲之日至。可坐而致也。故曰。冥升在上。無所疑也。詩云。昊天有成命。




以巽變艮。自升之謙。

九二貞吉。升階。

巽者入也。變艮為門。闕入。門必由階。故曰。升階。艮為

少男。艮數七。人生七歲入小學。故曰貞吉。
升階。詩云。肆成人有德。小子有造。古之人
無數。譽髦斯。象曰。貞吉升階。上合志也。
士。此之謂也。後生可畏。焉知來者之不如
今也。故曰上合志也。君子之道。譬如行遠。
必自邇。譬如登高。必自卑。故曰貞吉升階。
上合志也。詩云。日就月將。學有熙緝。
于光明。此之謂也。




以巽變坎。自升之師。

九三。引升吉。無咎。

巽木變坎水。巽乎水而
上水。故曰引。舉賢才。如

進甘泉。故曰引升。舉爾所知。故曰吉。所舉
非濫。故曰無咎。比於公叔文子之臣。大夫
僕。與文子同升。諸公。子聞之曰。可以為文
矣。故曰引升吉。無咎。詩云。維君子使媚于
天子。此之謂也。**象曰。引吉無咎。上巽也。**
而。上水井。故曰上巽也。清泉在井。以待人
汲。賢才處下。必須人薦。故曰引吉無咎。上
巽也。詩云。子惠思我。騫裳涉溱。子不我思。
豈無他人。此之謂也。

以坤變震。
自升之恒。

六四允升大吉征凶無咎

以坤土主信變震為有聲之卦

故曰允變震東方木主仁是以唯仁者宜
在高位故曰允升仁者而在高位是播其
善於衆也故曰大吉未有上好仁而下不
好義者也故曰允升大吉以坤為衆變震
長男有長子帥師之象故曰征凶坤順變
震動順以動豫故曰無咎豫順以動乃得
人和故曰征凶無咎此爻乃本卦之南征
吉志行也故曰允升大吉征凶無咎詩云
允矣君子展也
大成此之謂也

象曰允升大吉大得志也

變震為大塗。居天下之廣居。立天下之正位。行天下之大道。得志與民由之。故曰允升大吉。大得志也。詩云文武吉甫萬邦為憲。此之謂也。



以坤變坎。自升之井。

六五升虛邑。無攸利。勿恤。往無咎。

坤地變坎水。地


上有水。乃卑濕之處也。卑濕民寡聚焉。故曰虛邑。推到僻壤而為之宰。故曰升虛邑。土瘠民貧。故曰無攸利。地上有水。比自戒。比樂。故曰勿恤。能有樂民之樂。何患土瘠。

民貧故曰往無咎。物華天寶，人傑地靈。故曰升虛邑，無攸利，勿恤往，無咎。詩云：樂只君子，民之父母。此之謂也。象曰：升虛邑，消不富也，勿恤。

往無咎，君子處也。

捐俸苦缺，憂民縣宰，故曰升虛邑，消不富也。人

能興地，地亦興人，故曰勿恤往，無咎。君子處也。或曰：陋，君子居之，何陋之有？故曰升虛邑，消不富也。勿恤往，無咎。君子處也。詩云：篤公劉，匪居匪康，迺場迺疆，此之謂也。



以坤變艮，自升之盡。

上六峻升貞厲

坤地變艮山。山附于地也。故曰峻升乃位極人臣也。

位極人臣。高而慮危。故曰貞厲。位不期高。

祿不期後。不患無位。患所以立。故曰峻升。

貞厲。詩云。節彼南山。維石巖巖。象曰峻升。

赫赫師尹。民具爾瞻。此之謂也。象曰峻升。

貞厲未安上也

受寵若驚。故曰峻升貞厲。恐隕越于下。故曰未安上。

也。有物極則反之勢。故曰峻升貞厲未安。

上也。詩云。赫赫師尹。不平謂何。此之謂也。



坎下
兌上

困亨貞大人吉無咎有言不信。升而不已

之以困。困者德之辨也。為卦內卦坎維心
亨。上加兌為毀折。乃志不得伸也。故曰困。
徵於色。發於聲。而後喻。故曰亨。困於心。衡
於慮。而後作。故曰貞。內抱坎為心病。為赤。
不失其赤。子之心者。乃大人。君子困窮。大
人禁困。故曰大人吉。君子樂天。達人知命。
故曰無咎。上卦兌為口。故曰有言。下卦坎
為耳。痛。故曰不信。下焉者。雖善不尊。不尊
不信。不信。民弗從。故曰有言不信。故天將
大任於人也。必先苦其心志。勞其筋骨。

餓其體膚。空乏其身。行拂亂其所為。所以動心忍性。增益其所不能。故曰。困。亨。貞。大人吉。無咎。有言不信。詩云。終窶且貧。莫知我艱。已焉哉。天實為之。謂之何哉。

象曰。澤無水。困。君子以致命遂志。

澤無水。乃歲旱。

苗枯也。故曰。澤無水。困。君子憂道不憂貧。故曰。君子以致命遂志。澤現底以待天雨。君子篤志以聽天命。故曰。澤無水。困。君子以致命遂志。詩云。民今方殆。視天夢夢。既克有定。靡人弗勝。有皇上帝。伊誰云憎。此之謂也。

三三

以坎變兌。自困之荒。

初六困于石。據于蒺藜。入于其宮。不見其

妻凶。

坎為隱伏。乃以草為足之蛇也。變兌其于地也為剛鹵。則不得屈伸。故曰。

困于石。鹵地無弱草。有剛蒺藜。暫藉藏形。故曰。據于蒺藜。坎水並兌澤。故曰。入于其宮。雄蛇交雌鼈而回。雌蛇交雄鼈乃去矣。故曰。不見其妻。淫邪果報。以有循環。故曰。凶。子曰。非所困而困焉。名必辱。非所據而據焉。身必危。既辱且危。死期將至。妻其得。

見邪。故曰。困于石。據于蒺藜。入于其宮。不見其妻。凶。詩云。相鼠有體。人而無禮。人而無禮。不死何俟。此之謂也。

象曰。困于石。據于蒺藜。乘

剛也。入于其宮。不見其妻。不祥也。

為惡者。以惡為

賢。總講恃惡。故曰。困于石。據于蒺藜。乘剛也。作不善。則天降殃。故曰。入于其宮。不見其妻。不祥也。卦係澤無水。困。此爻以坎變兌。兌蓋坎上。又自成澤無水。困。而又困。是動也是困。變也是困。如小人愈困。愈喪心。愈壞心。曰。信。遭苦楚。故曰。困于石。據于

蒺藜乘剛也。入于其宮。不見其妻。不祥也。詩云。逢此百凶。尚寐無聰。此之謂也。



以坎變坤。自困之萃。

九二來徐徐。困于金車。乃徐有脫。無咎。變

為牛。安步緩行。故曰。來徐徐。變坤為大輿。故曰。車。牛能任重。故曰。困于金車。人受困而安命。故曰。乃徐有脫。自保重而不失。故曰。無咎。君子居易以俟命。此乃大人吉。無咎也。故曰。來徐徐。困于金車。乃徐有脫。無咎。詩云。愴悌君子。孔燕愴悌。此之謂也。

象曰。來徐徐。志在下也。乃徐有脫。雖不當

位。有與也。

在下位。不援上。故曰。來徐徐。志在下也。君子素其位而行。故曰。

乃徐有脫。雖不當位。有與也。君子不汲汲於富貴。不戚戚於貧賤。故曰。來徐徐。志在下也。乃徐有脫。雖不當位。有與也。詩云。所謂伊人。於焉道逕。此之謂也。



以坎變巽。困之大過。

六三。臀困于株木。入于幽谷。三歲不覿。吝。

有終。變巽為股。故曰。臀巽為木。故曰。株木。乃君子之坐困也。故曰。臀困于株木。坎位北。故曰。幽。變巽者入也。乃君子之索居也。故曰。入于幽谷。坎為月。坎數六。乃六六三十六。建月也。故曰。三歲。變巽入。乃君子之退藏于密也。故曰。不覲。為學者三年有成。故曰。三歲不覲。此爻變巽為君子之德風。大有伯夷之風也。伯夷隘。故曰。吝。聞伯夷之風者。頑夫廉。懦夫有立志。故曰。吝。有終。比於君子。窮則獨善其身。雖遭困吝。永不改節。故曰。臀困于株木。入于幽谷。三歲不覲。吝。有終。詩云。獨寐寤宿。永矢弗告。

此之謂也。象曰：入于幽谷，幽亦明也。吝有終，以

中直也。坎為水，水抱內清，故曰：入于幽谷。

異為繩直，故曰：吝有終。以中直也。天下無

道則隱，隱居以求其志，澤無水困。君子以

致命遂志，故曰：入于幽谷，幽亦明也。吝有

終，以中直也。詩云：神之聽之，正直是與。



以兌變坎，自困之坎。

九四：劓刖，困于赤紱，于臲卼，利用祭祀。變坎。

為水。水乃反而歸者之物。反而歸者為鬼。鬼貌骷髏。故曰剝。剝變坎為赤。故曰赤坎。其於木也。為堅多心。乃桃符板也。故曰赤。故曰桃符板上畫神荼鬱壘二像。啖鬼之神。故曰于齔。齔鬼見桃符板畫。則不敢進焉。故曰困于赤。故曰于齔。齔土埋供獻為祭祀。鬼尚有困。而況於人乎。厨中有剩飯。路上有飢人。堂上有祭餘。門外有餓鬼。故曰剝。剝困于赤。故曰于齔。齔利用祭祀。詩云申錫無疆。及爾斯所。此象曰剝。剝志未得也。利用祭祀。受之謂也。

福也。

彼骷髏乏祀。故曰。剝削。志未得也。此祭家散福。故曰。利用祭祀。受福也。易

通幽明之故。原始反終。故知死生之說。精氣為物。游魂為變。是故知鬼神之情狀。此爻以荒為巫。變坎為隱伏。有索隱之象。聖人故繫索隱之辭。乃索隱也。非行怪焉。故曰。剝削。志未得也。利用祭祀。受福也。詩云。旱魃為虐。如惓如焚。此之謂也。

䷮

以兌變震。自困之解。

九五困于葛藟。因動悔。有悔。征吉。

兌為羊。變震為

荏葦。羊入葦塘。故曰困于葛藟。吉凶悔吝。生乎動者也。故曰困動悔。變震者動也。故曰。有悔。自取其困。自脫其困。故曰有悔。征吉。人恒過。然後能改。故曰困于葛藟。困動悔。有悔。征吉。詩云。終踰絕險。象曰。困于葛藟。曾是不意。此之謂也。

未當也。動悔有悔。吉行也。

鹵莽滅裂。故曰困于葛藟。未當。

也。知過必改。故曰動悔有悔。吉行也。震無咎者。存乎悔。故曰困于葛藟。未當也。動悔有悔。吉行也。詩云。我心匪石。不可轉也。我心匪席。不可卷也。此之謂與。



以兌變乾。
自困之否。

上六困于酒食。朱被方來。利用享祀。

兌為澤。變

大哉乾乎。純粹精也。故曰酒。乾為天。行健。至而伸者為神。夫澤無水。困乃歲旱之卦也。年荒饑饉。水旱偏災。神亦乏祀。故曰困于酒食。變乾為大赤。故曰朱。請神必焚朱。被。故曰朱被。方來。火焚祭品。為享祀。神者陽之靈也。故曰利用享祀。神尚有困。而況於人乎。變乾為君。歲旱祈禱。乃君之責也。故曰困于酒食。朱被方來。利用享祀。詩云。

以格以享。我受命溥將。自天降康。此之謂也。

象曰。困于酒食中。

有慶也。

變乾為圜。圜則無往而不中。大哉。

天悅而應乎乾。乃至誠感神。心契上天。故曰。中有慶也。皇天無親。克敬乃親。敬之一字。乃心所發焉。故曰。困于酒食。中有慶也。詩云。敬之敬之。天維顯思。此之謂也。

周易逢原下經

卷之三

終

居易逢原下紇

終

